



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

STANFORD
LIBRARIES

PA4461

W55

1885

Bohaggen Universität

I N D E X
S C H O L A R U M

PUBLICAE ET PRIVATIM

IN ACADEMIA

GEORGIA AUGUSTA

PER SEMESTRE AESTIVUM

. D. XV. M. APRILIS USQUE AD D. XV. M. AUGUSTI A. MDCCCLXXXV

HABENDARUM.

1885.

praemissae sunt Udalrici de Wilamowitz-Moellendorff Curae Thucydideae.

GOTTINGAE

OFFICINA ACADEMICA DIETERICHIANA TYPIS EXPRESSIT.

WILH. FR. KAESTNER.

cc

11-02-8
2007

ACADEMIAE GEORGIAE AUGUSTAE
PRORECTOR
LUDOVICUS MEYER
CUM SENATU.

I.

Thucydidei codicis lacinias inter nomi Arsinoitae thesauros repertas esse rumor est. quibus difficillimae Thucydidis recensio nova paratum iri subsidia exopto potius quam exspecto. interim gravissima quae Bekkerianorum codicum ope colliguntur tandem libet publice proponere; quae dudum animadversa et cum discipulis et amicis communicata tam late percerebuisse scio, ut multis fortasse nova non iam prolaturus sim. plerique hodie cum alia in recensendis Thucydidis historiis contra Bekkerum novanda esse censeant, tum Vaticanum codicem recte ab eo aestimatum esse negant, quem alii tamquam interpolatum prorsus abici iubent, alii tamquam certissimum ducem anxiiis pedibus sectantur; medium tenuerat pro animi sui et modestia et liberalitate Bekkerus. neutri nihil plane dicunt; verum ab utrisque id certe peccatur quod de Vaticano tamquam de uno codice locuntur, cuius fides, si forte in libro I sublesta visa fuerit, continuo etiam in VIII parvi pendenda sit. quicumque enim eam quae apud Bekkerum prostat Vaticani memoriam consideraverit, mirum est nisi animadvertit tanto opere discrepare librorum ultimorum speciem a ceteris, ut duplicem recensionem eodem codice contineri liquido appareat. atque prior quidem pars, quae non ad extremum librum VI sed fere ad caput 93 pertinet, in universum cum ceteris codicibus conspirat; habet quidem peculiaris Vaticanus, sed vix plura quam reliquorum codicum qui in censum veniunt singuli¹⁾: at inde a VI 94 usque ad finem plane singularem exhibet recensionem, nec licet ita hoc discrimen explicare, ut librarii socordia versus finem creverit, sive Vaticanum culpamus, sive ceterorum archetypum; termino enim minime ambiguo diversae recensiones separantur. quod ita se habere pluribus exponere non opus est, cum ipse codex locupletissimus testis sit, de cuius marginibus quae huc faciunt quoniam ex parte neglexit Bekkerus qualia olim excussi proponam.

Insunt Vaticano scholia tantum in primis foliis copiosa, quae ad eundem commentarium redeunt qui in ceteris servatus est, Marcellini scilicet, sicut

1) Dico C et AEF. Marcianum D, recentem librum, recte plerique omittunt. Londinensis a vetustate commendatus in plerisque male interpolatus est. G praeter ea quae cum certiore teste C communia habet, subinde subministrat eximia, sed haec fortasse acumini non fidei magistri Byzantini debentur. quamquam huius familiae antiquiorem et sinceriorem testem inveniri expediret.

Palatinus testatur. talia etiam per librum sextum quamvis rara occurrunt; rarissima sunt in libris VII et VIII; at inde a VI 94 incipit prorsus novum marginalium notarum genus: variae lectiones. 94 (p. 435, 30 Bekk.) *γεινησίων*: mg. *ινησσιών* = cett. 95 (436, 10) *α. β. Θηβαίων*: *ἐν ἄλλῳ γὰρ* (corruptum ex γρ. unde sequitur a librario marginalia cum textu fideliter transscribi) *ἀλλὰ βοηθησάντων Ἀθηναίων* = cett. 99 (438, 20) *ἐν ἄλλῳ, καὶ φθάνειν ἂν τοῖς σταυροῖς προκαταλαμβάνοντες τὰς ἐφόδους, ἐκείνους δὲ ἂν πανομένους τοῦ ἔργου* = cett. 103 (441, 25) γρ. *καὶ ἄλλα προὐχόμενα αὐτοῖς ἐς ἐλπίδας* = cett. 105 (443, 9) γρ. *καὶ ὅσα ἄλλα* = cett. VII 2 (445, 1) *ἐν ἄλλῳ, ἐν τῇ δὲ κατὰ τοῦτο καιροῦ* = cett. 6 (447, 31) *ταύτων ἥδη ἐποίησε* = cett. 8 (448, 32) γρ. *ἀγγέλλων* = cett. 12 (450, 27) *ἐν ἄλλῳ γρ. καὶ ἀποξηραῖναι* = cett. 25 (459, 2) *ἐν ἄλλῳ παρενέπλεον ἐπ' οἴκου: παρεπλεον* cett. *ἐπλεον* B text. 27 (460, 26) γρ. *ἀλλαχοῦ ἐν τῷ αὐτῷ θέρει τοῦ* et supra *υ* ~ corruptum ex τ: volebat enim *τούτῳ* = cett. 27 (460, 31) γρ. *δραγμὴν τῆς ἡμέρας ἕκαστος ἐλάμβανεν* fere = A. 28 (461, 26) *ἐν ἄλλῳ γρ. οἱ μὲν ἐφ' ὅπλοις ποιοῦμενοι* = cett. 31 (464, 24) supra *εἶναι; τοῦτο κρεῖτον καὶ σαφές*; mg. *ὥς οὐχ ἱκανὰς οὖσας δυοῖν δεούσας εἴκοσι ταῖς ἑαυτῶν πρὸς τὰς ἐκείνων πέντε καὶ εἴκοσι ναυμαχεῖν* = cett. 31 (464, 30) γρ. *καὶ πεντεκαίδεκά τε ναῦς* = cett. 32 (465, 8) *ὅπως μὴ διαφρήσουσι τοὺς πολεμίους* et in textu et in margine = cett. apparet in archetypi textu veram *διαφρήσουσι* fuisse. 32 (465, 13) *ἐνέδραν τριχῇ ποιησάμενοι: γρ. ἐνέδραν τινὰ ποιησάμενοι* = cett. 34 (466, 23) γρ. *καὶ προσβεβηθηκότας καὶ ἔστι καινοπρεπέες* = cett. 34 (467, 16) γρ. *εἰ μὴ πολὺ ἐνίκων* = cett. 36 (468, 28) *τὸ ἀντίπρωρον ξυγκρούσαι μάλιστα αὐτοῖς χρήσεσθαι: γρ. τὸν ἀντίπρωρον συγκρούσει μάλιστ' ἂν αὐτοὶ χρήσεσθαι*; fallitur Bek. fere = cett. 39 (470, 26) γρ. *παρὰ τὴν θάλασσαν μεταστῆσαι κομίσαντας* = cett. 42 (473, 4) γρ. *καὶ ξυντομωτάτην ἤγειτο διαπολέμῃσιν* = cett. 43 (473, 19) γρ. *ἐπενόει· καὶ τὴν ἐπιχειρήσιν τῶν ἐπεπολῶν ἐποίητο* = cett. 43 (473, 26) *ἐν ἄλλῳ τὴν πᾶσαν στρατιάν* = cett. 44 (475, 12) γρ. *καὶ πᾶν τὸ ἐναντίον* = cett. 44 (476, 1) *ἐν ἄλλῳ γρ. καταβαίνοισιν πολλοὶ αὐτῶν* = cett. 46 (476, 18) γρ. *καὶ πέντε καὶ δέκα*, B text. ut ceteri *πεντεκαίδεκα*. 47 (476, 31) γρ. *ἐλῶδες καὶ χαλεπὸν ἦν* = cett. 48 (477, 15) γρ. *ἐλπίδος τὸ εἶναι* = cett. 48 (478, 12) *ὡς πολὺ κρείσσους*: mg. *ὥς* = cett. 51 (480, 10) *ἐπηρμένους*: mg. *ἐγγεγερμένους* = cett. 51 (480, 17) *ἀνεπειρῶντο ἡμέρας ὅσας: ἐν ἄλλῳ γρ. καὶ ἀνεπαύοντο ἡμέρας ὅσαι* = cett. nam typorum vitio apud Bekkerum B pro A legitur. 53 (481, 19) γρ. *καὶ τὰς ναῦς τὰς (μὲν errore excidit) μὲν πολλὰς διέσωσάν τε (διέσωσαν τε text.) καὶ ξυνήγαγον κατὰ τὸ στρατόπεδον δυεῖν δεούσας εἴκοσιν ἃς οἱ συρακόσιοι* fere = cett. 55 (482, 8) *ἐν ἄλλῳ γραφ. ἐν παντὶ δὴ ἀθυμίας* = cett. 57 (483, 21) *εἰσὶ δ' οἱ καὶ μισθοφόροι*: mg. *εἰσὶ δὲ οἱ καὶ μισθοφόροι*; volebat certe *καὶ οἱ* ut AF. 62 (488, 2) *ἐν ἄλλῳ ἀντιναυπηγίσθαι γρ.* = cett.¹⁾ 69 (491, 34)

1) Adest etiam scholion versu Callimacheo fgm. 419 insigne, *παροιμία· πιπράσκει* (debebat *πιπρήσκει*) *δ' ὁ καλὸς πάντα πρὸς ἀργύριον τοῦ Καλλιμάχου*. ex aliis codicibus editur *κακός*; sed veritas de trivio sumpta dedecet Callimachum: pulcros pueros dare mercede pauper magister saepe querebatur.

ἐν ἄλλῳ γρ. ἤδη ἦν = cett. 69 (492, 23) ἐν ἄλλῳ γρ. καὶ τον παραλειφ-
 θέντα = cett. 73 (496, 15) στενόπορα τῶν χωρίων διαλαβόντας: γρ. καὶ τὰ
 στενότερα (sic A) τῶν χωρίων (error scribae qui genetivum pluralem dare
 debebat) προσφάσαντας φυλάσσειν (hoc = cett.). 73 (496, 19) γρ. εὐχε-
 γὰρ ἀπὸ τοῦ ἡρακλεῖ ταύτην τὴν ἡμέραν θυσία οὕσα = cett. 75 (498, 16) γρ.
 οὐ πως ἐδύνάτο κατὰ τὸ χρησίμον = cett. 82 (504, 19) ἐν ἄλλῳ γρ. ἀφικ-
 νοῦνται αὐτῇ τῇ ἡμέρᾳ = cett. 83 (504, 24) καὶ ἐκείνον: mg. ἐν ἄλλῳ κἀ-
 κείνον = cett. VIII 1 (508, 5) γρ. μὴ οὕτω γε ἂν πανσυνδὶ διεφθάρθαι =
 cett. 7 (512, 29) γρ. καὶ οὕτω τοῦ δ' ἐπιγιγνομένου θέρους εὐθὺς ἐπιγγο-
 μένων = cett. 8 (513, 8) οὐκ ἐκοινωνοῦντο τὸν στέλον et in textu et in
 margine. apparet altero utra loco fuisse verum ἐκοινωνοῦντο. 15 (517, 15) ἐν
 ἄλλῳ γρ. τὴν χίων quo significatur βοήθειαν τὴν χίων = A; falsus est Bekker.
 16 (517, 20) ἐν ἄλλῳ γρ. καὶ ὁ πεζὸς ἅμα καὶ ὁ κλ. — παρήει = cett.
 16 (517, 22) ἐν ἄλλῳ προσηύχεται = cett. 16 (517, 30) ἐν ἄλλῳ ὧν ἔρχεν
 ἀγάγης ὑπαρχος ὑσσαφένους volebat ἀτάγης ut EF et fere A. 23 (520, 31)
 ἐν ἄλλῳ γρ. χίαν ναυμαχίαν = AEF. 26 (524, 12) λέρων: mg. ἐλέρων =
 cett. quod quo spectet duplex ÷ significat. 27 (525, 14) ἦ: εἴη = cett.
 30 (527, 5) ἐν ἄλλῳ ἀγαγόντες ἐν ναυσὶν ὀπλιταγωγεῖς: ἐπὶ χίον λαβόντες
 (volebat λαχόντες) ἐπλεον = cett. 33 (528, 24) πρὸς αὐτὸν: mg. πρὸς
 παρ' αὐτῶν = cett. 34 (528, 32) ἐν ἄλλῳ καὶ ὥσπερ ἰδόντες ἐπεδίωκον =
 cett. 37 (530, 17) ἦν δέονται = A. 39 (532, 3) ἐν ἄλλῳ γρ. τοῖς ἐν τῇ
 νήσῳ = cett. 68 (552, 3) μέγα = cett.: mg. μέγιστον. 79 (558, 26) γρ.
 δυοῖν καὶ π' ἔτυχον ἐν γλαύκῃς τῆς μυκάλης ὁρμῶντες: διέχει δ' ὀλίγον αὐτῆς
 ἢ σάμος τῆς ἡπείρου πρὸς τὴν μυκάλην καὶ ὥς εἶδον τὰς τῶν Πελοποννησίων.
 in his αὐτῆς error est pro ταύτῃ omnium codicum, γλαύκῃς etiam B text.
 tenet, ac potest γλαύκῃς verum esse; καὶ ὥς ceteri ut margo, quod ὁρμῶν-
 τες requirit, quamquam ceteri cum B text. ὁμοῦσαι habent. Thucydides id
 dederat quod B text. servat, modo deleas commune omnibus glossema πρὸς
 τὴν μυκάλην. 82 (561, 8) ἡρῆτο: εἰρητὸ ἐν ἄλλῳ ἀντ<ι>γράφῳ = AEF.
 92 (571, 4) ἐν ἄλλῳ ἀντιγράφῳ καὶ πολλοὶ τῶν ἐκ τοῦ περὶ αἰῶν ἀνδρώπων =
 cett. sed idem etiam B text. periit ergo varia lectio. 94 (572, 5) ἐν ἄλλῳ
 τῶν πολλῶν ὀπλιτῶν = AEF. 95 (573, 20) ἐν ἄλλῳ γρ. λαβόντες δὲ καὶ
 οἱ Πελοποννήσιοι = EFG. B text. = A, nisi Bekkerus de hoc erravit.
 105 (579, 34) ἐν ἄλλῳ εἰς ἐχούσας = AEF. 108 (581, 19) ἐν ἄλλῳ χωρὶς
 τοῦ καὶ ἀρχοντας καταστήσας = cett.

Constat iam B pendere e codice cuius scriba inde a VI 94 ad aliud
 exemplum transierat, sed in margine varias lectiones notabat. quas de eo-
 dem exemplo excerpbat quod usque ad VI 93 erat secutus, arta cognatione
 illud quidem coniunctum imprimis cum A. atque hodie qui de fide codicis B
 agit duos distinguat oportet codices, alterum vulgaris familiae, qui in ultimis
 libris tantum per marginem B notus est, alterum plane singularem, qui tex-
 tum B per illos libros obtinet; quamquam contaminatas aliquatenus has re-
 censiones esse corruptelae in ipsis marginalibus obviae ostendunt. nihil
 autem gravius ad Thucydidem recensendum quam ut codices eruantur cum
 B cognati per ultimos libros, a B et ceteris discrepantes in primis, quippe
 qui pendeant ex altera illa recensione, quam B e parte tertia tantum re-

fert¹⁾. quod vero variae lectiones in ultimis libris multo plures et difficiliiores nobis disceptandae sunt, id non propterea accidit quod hi libri magis corrupti sint, sed quod in eis duplici recensione utimur, cum in ceteris consensus codicum nobis verba det, utpote qui soli penuriae nostrae debeatur.

Duas recensiones distinximus in ipsis codicibus. eidem memoriam servarunt duarum editionum; nam non solum Marcellinus (p. 12, 12) praeter vulgarem octo librorum editionem ab aliis libros distingui scribit tredecim¹⁾, sed etiam in marginibus codicum octateuchum referentium termini breviorum librorum subinde notantur. similiter Athenaeus Marcianus XXX librorum in margine rationem habet. scimus autem breviores libros duos respondisse octateuchi libro I, tres libris II et III, sextum terminatum esse IV 78; unde reliqua quatenus huc faciunt satis certo colliguntur. cum enim expeditio Sicula historiarum Thucydidearum membrum sit absolutum, fere ut tragoediae singulae sunt tetralogiae, VI 1 et VIII 1 in quavis editione libros terminare debebant; quod modo ponamus, perspicuam disponendi rationem adsequimur. is enim cui octateuchi libri nimis ampli videbantur, primum et ultimum in binos, e ceteris binos in ternos distribuit. atque si sextus IV 1—78, septimus IV 79 — V 24, octavus V 25 — fin. complectitur multo certe commodior est quam octateuchi ordo. iam si noni libri terminum circumspicimus, non potest omnino alius cogitari quam finis anni decimi septimi VI 93. non vereor ne homo sanus qui librum VI perlegerit dissensurus sit, nec fugit hoc eos qui olim de hac re verba fecerunt, quamvis multa parum considerate iacerent. quodsi VI 94 decimus liber editionis alterius incipit, hanc editionem in eo codice servatam esse qui eodem loco ad novam recensionem transit, item consentaneum est. atque octateuchi re vera eam recensionem esse, quae sola ad nos pervenit exceptis Vaticani VI 94 — VIII, ut alia mittam, Dionysius Halicarnassensis docet octateucho usus, quippe qui in ultimis libris contra Vaticanum faciat. vide quae Sadaeus *de Dion. Hal.* p. 126 composuit de locis VII 20, 69, 70 ter, 71, VIII 64²⁾.

1) Parisinus 1791. 92 (h) de Vaticano descriptus esse videtur. L. Valla utrum Vaticano usus sit, quod fuit qui contenderet, an alio eiusdem stirpis, non definio. etiam haec res inquisitione digna est.

1) Alios etiam aliter libros dirimere Marcellinus per scholasticam vaniloquentiam dicit.

2) Locus memorabilis est. oligarchi Attici postquam in municipiis imperio subditis populi dominationem everterunt, oligarchi municipales rerum potiti statim etiam imperium Atticum exuunt. verissime hoc monet Thucydides, convenitque ei cum oligarcho eo qui libellum de rep. Ath. scripsit. quod eleganter his verbis extulit *συντροφία γὰρ λαβοῦσαι αἱ πόλεις καὶ ἄθλιαν τῶν πρᾶσσομένων ἐχώρησαν ἐπὶ τὴν ἀντικρὺς ἐλευθερίαν, τῆς ἀπὸ τῶν Ἀθηναίων ἐπουλοῦν ἐννομίας οὐ προτιμήσαντες*. ita recte Dionysius legit, et quod ille contra grammaticam peccavit, emendatum illud quidem a Dindorfis in Thesauro, vitavit scholiasta, cuius prudentia verba e Laurentiano sumo, cui haud pauca scholia recentior manus intulit. *ἐθελούστεραι γὰρ γινόμεναι ἐχώρησαν ἐπὶ τὴν ἀντικρὺς ἐλευθερίαν, τῆς ἀπὸ τῶν Ἀθηναίων ἐπουλοῦν ἐννομίας οὐδὲν φρονιζόντες*. τοῦτο γὰρ ἔστι τὸ προτιμήσαντες. at codices omnes labem contraxerunt. C ipse *ἐννομίαν* quidem servavit, sed habet interpolationem *τὴν ἐπὶ τ. Ἀ. ἐπουλον ἐννομίαν*. hanc vitat B, sed *ἀντονομίας* pro *ἐννομίας* infercit: reliqui utramque corruptelam coniungunt; contaminatas esse recensiones ita ut distinguere omnino non possint doleo, sed animo satis aequo, quoniam quid Thucydeum sit, non dubitabit qui imperium Atticum noverit. editores quidem interpolationem fovant

VII 70 (424, 11) Dion. et B et scholia contra textum ceteris communem consentiunt, ita ut ad recensionem hoc nihil faciat; obstat unum π (493, 34) a Dion. et B contra cett. ante $\pi\eta$ servatum; C utrobique contra B Dion. facere ego testor. ceterum octateuchi recensionem per solum Marcellinum, a quo pendent EFAB (I—VI 93), ad nos pervenisse ne probabile quidem est. Laurentianus enim, scriptus ab homine Italo, Petro, cur ad eandem familiam revocetur, nihil video. quodsi hunc huiusque adseclas atque Marcellinianorum archetypum inter se comparamus, non solum longe ultra Thomam Suidam et siqui alii id genus sunt tenebriones aequales ipsi Laurentiano ascendimus, sed etiam ultra Marcellinum, neque infitias eo, praesertim cum Dionysii Halicarnassensis larga praesto sint excerpta, octateuchi formam qualis eius aetate legebatur, fere esse servatam. at quam male habitum Thucydidem eadem aetas legerit, quae Platonis plerosque dialogos paene integros legebat (cuius recensionem nos ultra Thrasyllum Tiberii familiarem certo non possumus persequi), siquem corruptelae manifestae non docent, discet sive vult sive non vult collata altera recensione, cuius quattuor libros Vaticanus continet, ne eos quidem meros aut intemeratos, sed subinde cum vulgari recensione contaminatos.

At haec recensio, quae numquam aut usu aut auctoritate octateuchum aequiparavit, creditur aliquot saeculis post esse condita. si hoc verum est, multum de eius fide detrahi concedo, nec tamen quidquam de hac re legisse me memini quin curare pigeat. quae ipse repperi pauca sunt, sed ad conficiendam rei summam idonea. grammatici ac rhetores fortasse sola usi sunt octateucho¹⁾. sed memorabilis Pseudoplutarchi (Apophth. Reg.) locus, inter Augusti dicta paene ultimum, si fabula vera est (quod ego libenter credo), demonstrat a. Chr. 21 Spartae Thucydidem lectum esse terdecies partitum²⁾, si falsa est, saeculo altero p. Ch. medio, quo tempore libellus iste compositus est. quodsi iure affirmaretur Diodoro Siculo ignotam eandem editionem esse, viderentur natalia eius artissimis terminis includi. Diodorus ex enchiridio isto, cui hominum qui per litteras inclarnuerunt memoriam debet, bis adeo in annales suos recepit, Thucydidis historias ab aliis in octo, ab aliis in novem libros dirimi (XII 37. XIII 42). ego profecto non is sum

utramque. qui non reputarunt per oligarchiam ab Atheniensibus concessam municipia non magis *αὐτόνομα* reddita esse quam fuerant antea. *ἐννομία* autem ut antea *συντροφία* paucorum imperium vocatur a scriptore popularis imperii osore per exilium etiam magis exacerbato. dabo similem locum qui mihi semper valde memorabilis visus est. Th. IV 74 postquam restitutionem oligarchiae Megarensis narravit addit *καὶ πλείστον δὲ χρόνον αὐτὴ ἐπ' ἐλαχίστων γενομένη ἐκ στάσεως μετέστας ἐνέμεινεν*. de eisdem et Thebanis item oligarchis Plato Crit. 58^b *ἐννομεύνται γὰρ ἀμφότεροι*.

1) Errore manifesto teneri id scholion, e quo pendent proll. stat. VII 13 et Planudes V 220 Walz, videbit qui locos ipsos adierit. Macrobius Sat. III 6, 8 e libro tertio historiarum laudat II 8, item e libro tertio vocabula quae II 4 leguntur Pollux IX 46. his confiderem, nisi Pollux nimis negligens esset scriptor, Macrobius auctorem ego ignorarem.

2) Augustus Spartae (nimirum in itinere Achaico, Dio. 64, 7) Eurycles accusatori, quem duci iusserat, cum ille exclamasset *εἰ ταῦτά σοι, Καίσαρ, εὐ φαίνεται μεγάλα, κίλευσον αὐτὸν ἀποδοῦναι μοι Θουκυδίδου τὴν ἰσθμὴν*, pepercit compertus Brasidae sum esse gentilem. re vera septimus liber, i. e. IV 79 — V 24 apte vocari potest *Βρασιδῶν ἀπορία*.

qui *ἐννέα* in *εἰκοσάλδονα* aut Θ in II mutare audeam. tamen tredecim libros leni corruptela obscurari aio. octateuchi liber ultimus apud Bekkerum et Stahlium ϑ est, apud Krügerum η. cum hoc faciunt e codicibus certe Vaticanus, fortasse etiam ceteri, item scholiastae¹⁾ et quicumque e veteribus per numeros notant Thucydideos libros. nempe eadem elementa apud Graecos et litteras et numeros significant, atque utroque modo libri solent significari. litterae ubi usurpantur, F deest: nobilissima exempla Homeri carmina et Aristotelis Metaphysica. F adest in numeris, uti par est. coniuncti autem utriusque ordinis accedit ut monstrare possim exemplum alteram octateuchum. Clementis codex unicus libro sexto praescribit *στωματέων ἕκτος δ καὶ ζῆτα*, septimo *ἑβδόμος δ καὶ ἥτα*. quodsi aut apud Diodorum aut apud eius auctorem pro vocabulis signa numeralia restituimus η et ϑ, litteras autem eis significari sumimus, ϑ quidem octateuchi signum est: H opinor N fuit.

Ergo ingentem quae codices nostros obtinet diversitatem ex parte saltem repetendam esse demonstravimus ex editionibus altero fere vel primo ante Christum natum saeculo conditis. quarum alteram utram solam amplecti ut imperiti conabuntur, ita timebunt qui Isocratis Demosthenis Aeschini Euripidis Aristotelis verba corrumpi sciant ab eis qui uni codicum familiae in servitutem se addixerint. id vero fatendum est, non solum multo impeditius reddi recensendi emendandique officium, sed persaepe numquam fore ut certo sciamus, uter dux sequendus sit. at hercle veritas quaequae est coli debet, neque derunt qui multo cum sudore disoere malint, quam pauca scire omnino possimus, quam facilitatem laboris vana constantiae et fiducia iactatione redimere.

II.

Duas Thucydidis editiones a grammaticis confectas esse vidimus; quarum operam utinam aliquando certius distinguere atque singillatim aestimare liceat. est autem vel nunc ultra eos progrediendum. cum enim librorum numeratio vix ante principium saeculi tertii in vetere historico videatur esse instituta, tertium hominem etiam impensius avemus cognoscere, qui edidit sub principium saeculi quarti²⁾ e codicillis Thucydidis imperfectas historias. quod enim vulgo sumunt, unius Thucydidis aliis alia temporibus scribentis manum in historiis quales olim ab Ephoro et Xenophonte lectae sunt conspicuam esse (nam de interpolatorum fraudibus quae codices nostros occu-

1) Qui ingeniosum zetema moverunt, qui factum esse videretur, ut Herodotus tot libros componeret, quot Thucydidis nominis prima littera significaret, et invicem. scholion in libris aliis alio loco appictum Vaticanus in fine quarti libri habet. etiam Herodoti codices cum hoc grammatico in numerandis ϑ libris consentiunt; Steinus praetulit.

2) Ea quae de editionis tempore dixi Herm. XII 328 parum accurata sunt, cum Nitschii praeclara de Xenophontis Hellenicis merita neglexerim. ergo Xenophon iam fere 388 Thucydidis historiarum complementum Agesilao gratum scribere constituit.

pant hic non agitur), id ego ita se habere vehementer opto. sed unde scimus aut voluisse aut potuisse editorem illum tanta modestia uti, quanta fortasse usus est qui Herodoti historias item imperfectas edidit? longe secus esse suspicatus sum, ex quo Thucydidem diligentius tractare coepi; diu coercui suspicionem, sed ut ipse eam refutarem, mihi non contigit, itaque fateor, multo impeditiorem ac paene cum Philippea Legum Platoniarum redactione comparandam quaestionem in Thucydidis historiis mihi videri propositam esse. quam ad solvendam critico opus est qualis carmini Lucretiano obtigit, cuius caementa glutine Q. Ciceronis erant liberanda. at hercle discutienda hic quoque vana securitatis imago.

Quod ut fiat via praemunienda est per quaestionem non tam per se quam per virorum ingeniosorum¹⁾ iras et studia contortam, quae est de rebus per primum et per decimum belli Peloponnesiaci annum gestis ad anni et Iuliani et Attici tempora revocandis. quam titulorum Atticorum ope tandem profigatum iri spero. itaque ab impugnandis aliorum sententiis quoad fieri potest me continebo breviterque rem, quae mihi simplex videtur, conficiam.

Constat e rationibus quaestorum Minervae (CIA I 179) duabus illis classibus, quae Thucydide teste (I 45.50) Corcyram missae sunt, viatica soluta esse archonte Apsende prytaniae primae die decimo tertio et die ultimo²⁾. igitur foedus inter Athenienses et Corcyraeos ictum est circa anni Attici cui Apsendes nomen dedit principium, pugna ad Sybota commissae est mense metagitnion, siquidem altera classis in ipso pugnae discrimine supervenit. convenit eximie quod praetores una cum archonte kal. hecatomb. munus capessiverant; namque militares unius aestatis expeditiones medias plerumque dirimi die praeturae auspicandae parum commode statuta e Thucydidis Xenophontisque annalibus liquido apparet. raro autem fortunae beneficio contigit, ut haec tempora prima in rebus Graecis ad annum Iulianum revocari possint. quippe eisdem fere diebus quibus in pnyce Athenienses de foedere Corcyraeo deliberabant Meto Leuconoensis ad pnycem in area Cereris Legiferae heliotropium et calendarium proposuit, in quo perscripsit solstitium a se observatum esse die Scirophorionis quem archon numerabat decimo tertio. quod solstitium rerum caelestium periti quoniam ad diem iunii 26/27 a. 433 revocarunt, pecuniae illae solutae sunt die 7 et 29 augusti, ad Sybota pugnatum est m. septemb. in solido hoc dudumque iacto fundamento chronologia Thucydidea extruenda est³⁾.

1) Ex antiquioribus unum nomino Boeckhium *Mondeyel.* 76. inter aequales Unger (*Sitz. Ber. Münch. Ak.* 1875), Schmitt (quaest. Thuc. Lips. 1882), Beloch (*Att. Polit.* 209), v. Pflugk-Hartung (*Perikl.* 56), A. Mommsen (*Chronolog.* 366) ne in eis quidem quae recte dixerunt rem longe ultra Boeckhium promoverunt. promovit etiam in eis quae falsissima dixit et vel puero refutanda Muellerus Struebing (*Ann. Phil.* 1883, 577).

2) Cum in tribus nomine et in prytaniae numero litterarum numeri utrobique conspirent, vix dubitari potest quin v. 10 *Alav* *videt*, v. 22 [*πρωτης* supplendum sit; numerus priore loco servatus est, tribus altero.

3) De Metone certiores nos facit Diodorus XII 36 fonte usus eo quem supra commemoravi; rem ipsam e Diodori qui talia minime perspiciebat verbis felicissime enucleavit

Sub Pythodoro qui Apsendi succedebat cum bellum Peloponnesiacum exarsisset, aliquot talentorum milia e thesauro Minervae expensa essent, plura proximis annis pensum iri certa esset expectatio, quaestores tabulam qualis Corcyraeae expeditionis rationes ceperat non sufficere rati magnam pilam faciendam curaverunt quales Hellenotamiarum rationibus perscribendis inserviebant¹⁾. cuius pilae fragmenta quamvis lacera sollerter composita et suppleta Kirchhoffius edidit CIA IV p. 31. fragmentum primum hoc est Ἀθηναῖοι ἀνῆλθον εἰς Μακεδονίαν καὶ desunt 22 litterae ἐπὶ Πυθοδώρου ἀρχοντος καὶ ἐπὶ τῆς βουλῆς ἡγὼν Διότιμος Ἐγγυλίωνος πρῶτος ἐγγραμμάτευε ταμίαι ἡμερῶν χρημάτων τῆς Ἀθηναίας Εὐκράτης Ἀτινέως καὶ ξυνάρχοντες οἱ Ἀπολλόδωρος Κριτίου Ἀφιδναῖος ἐγγραμμάτευε παρέδοσαν στρατηγοῖς εἰς Μακεδονίαν Εὐκράτης demoticum duo nomina cum demoticis ἐπὶ τῆς — ἰδος πρυτανείας δευτέρως πρυτανευούσης — — — παρέδοσαν. proximi versus infra παρέδ pauci apices restant. contra Kirchhoffium primum supplevi Engyilionis nomen, quod proposueram Cydath. 12: demoticum enim non fuisse scriptum res docet²⁾. deinde v. 3 οἱς omisso beta scriptum fuisse sumpsi, ut pluralem στρατηγῶς supplere possem: nam plures fuisse quam unum Eucratem lacuna v. 4 demonstrat. sequitur fragmentum undique mutilum, quod in qua parte lapidis situm fuerit, non licet certo definire, neque ullus versus plene potest restitui. agnoscuntur haec 1, — εσα 2, — 270 dr. 3, — ἡμιποδων[ῖδος πρυτανείας numerus πρυτανευούσης, dies, summa, (4), ταῦτα δ]δόθη τῇ στρατιᾷ (5) — ν[ῖδος πρυτανείας numerus πρυτανευούσης dies, summa, persona, (6) οὗτος] ἦγε τῇ[ς] εἰς Ποσειδαιαν στρατιᾷ. — 7 ἡλλ[ηνοταμίας ἐπὶ — 8 ἡ]πτακαίδεκα 17 tal. — 9 litteris maioribus κεφαλαιον τοῦ εἰς Μακεδονίαν ἀναλώματος³⁾ summa. 10 — οἱ στρατιᾷ τῇ περὶ [Πελοπόννησον 11 — εἰ χαλ]αῖς Πρωταῖς Αἰξων[εῖς — 12 — εραι λοιποὶ ἦσαν δατ⁴⁾ — 13,

Ideler. quem A. Mommsen p. 363 futilibus rationibus impugnat. idem oleum et operam perdidit, dum Metonis cyclum arch. Alcaeo receptum esse vult; melius fecisset, si minore cum arrogantia Useneri rationes repudiasset, cuius ne refutatione quidem dignam habet dierum μετ' ἐκάστας explicationem (p. 492): quid nunc faciet, invento calendario Rhodio (Inscr. Mus. Brit. II 344), quod dies singulos ex Useneri ratione pernumerat? ceterum Metonem non in publica sed in sacra area heliotropium dedicasse recte conieci Cydath. 163, quod etiam ad has res recte iudicandas facit.

1) Hellenotamiarum tabulas esse non logistarum quae tributorum sexagesimas percensent perbene docuit I. Christius (de pop. Ath. rationibus Gryphiae 1879), a viris doctis iniuria neglectus.

2) Vituperat me Muellereus Struebing, requiri demoticum mutataque littera una scribendum esse Ἀγγεῖλον: ergo ne fingendo quidem tribum repperit lacunae convenientem.

3) Si quid praeterea hic versus continuit, fuerit ἐπὶ τῆς ἀρχῆς ut CIA I 180—83. — conicere audeo, nihil in capite huius versus interisse praeter tres illas litteras, quamquam etiam ἀναλώματος κεφαλαιον τοῦ . . . dicitur (177). nam aptior ordo etiam frequentior est, et commode in proximo versu μισθοὶ στρατιᾷ supplemus.

4) Dubitanter coniecit Kirchhoffius ἡμέραι λοιπαὶ ἦσαν, sed cum 187, 6 supplendum sane sit ἡμέραι[ς] λ[ο]π[ο]ι[σ]ταὶ ἦσαν, generis confusio etiam probabilior redditur. nolo quidquam conicere, neque enim intelleguntur numeri per litteras incisi aut hic aut v. 8. quod ego conieceram μισθὸς ναυσὶν ἐπτακαίδεκα recte repudiatum est a Muellero Struebing tamquam inutile nec habet omnino quo commendetur, cum talentorum summa incerta sit. concidit ita etiam Muellerei coniectura.

ἡλληνοταμίαι φιλισταί]ροι Ἰκαρίστ Φιλοξ[ν — 14 Χ]αρίαι Δαιδαλίδη — 15 ἐπὶ τῆς ἡ]πποθωντίδος πρυτανείας numerus πρυτανευούσης, dies, summa, — 16 ταῦτα ἐδόθη Καρκίνω[ι Θορκίω — 17 -ντίδος πρυτανείας numerus πρυτανευούσης, dies, summa, 18 ταῦτα ἐδόθη Καρ]κίνωι Θορκίωι — 19 -εἰ χα-
λαιοῖ κα 20. 21 litterae ambiguae.

Kirchhoffius cum has rationes ad annum Euthydemii qui Pythodoro successit, referret, non videtur animadvertisse, quam graves turbas in Thucydide excitaret. sic enim non solum res a Thucydide inde a II 23 narratae, sed etiam Peloponnesiorum incursio ad Euthydemii annum referretur, dictum esset τοῦ Θέρονος καὶ τοῦ σίτου ἀκμῶζοντος II 19 de mense Iulio, Plataeae occupatae essent circa mai diem septimum, pugna ad Potidaeam commissa mense novembre. solis defectio, quam die 3 Augusti accidisse rerum caelestium periti adfirmant, qui dies hecat. 3 Euthydemii erat (nam Pythodori annum intercalarem fuisse nemo potest infitiri) a Thucydide II 28 narrata antecessissent omnia quae sub Euthydemo gesta ab illo inde a cap. 18 narrantur. sed ne lapis quidem hoc admittit. e cuius praescriptis elucet anni Pythodorei expensa per capita fuisse disposita, atque ipsius primi capitis (Macedonici) quod in fragmento primo incipit summa ducitur alterius fragmenti versu 9. unde necessario colligimus omnia ad Pythodori annum spectare, atque magna, opinor, cum probabilitate in principio restituimus Ἀθηναῖοι ἀνῆλθον ἐς Μακεδονίαν καὶ Πελοπόννησον καὶ Λοκρίδα, collato Thuc. II 26, prytaniam Hippothontida b 3 et 15 eandem intellegimus, nonam scilicet, decimamque -ντίδα 5 et 17. postremo idem pereleganti coniectura confirmavit Muellerus Struebing qui b 13 Philetaerum Icariensem adgnovit, quem sub Pythodoro hellenotamiae munere functum esse esse e titulo 247 constat.

Pythodoro igitur archonte omnia gesta sunt quae Thucydides usque ad solis defectionem narrat; gesta sunt vere atque aestate 431 ante mensem Augustum. praetoribus Atticis qui expeditionem susceperunt circa Peloponnesum tribus prytaniis pecunia e thesauro Minervae soluta est¹⁾. unde non sequitur octava iam prytania eos profectos esse. in praeparanda enim tam magna classe diu antequam ancoras solverent pecunia opus erat, atque Thucydides ipse (II 17) praeparari classem coeptam esse narrat, cum Archidamus Isthmo exercitum moveret, fere triginta diebus ante classis profectionem. at quidquid largimur, id necessario colligitur, Athenienses maio exeunte profectos esse. redierunt Aeginam sub auctumnum (II 31) i. e. septembrem²⁾; utrum praetores novi sub anni principium in locum Proteae Carcini Socratis

1) Tenendum est quaestorum annum a Panathenaeis incipere, itaque dies viginti septem proximi anni publici ad eosdem pertinere. sed hoc num ad hunc lapidem quidquam faciat, dici nequit, neque in summa re quidquam inde potest mutari.

2) Possit quispiam opinari, etiam e Diodoro concludendum aliquid esse de hac ultra anni Attici principium prorogata expeditione. is enim XII 43 eandem ultra sui, i. e. Iuliani, anni principium protrahit. sed Diodori fides et auctoritas nulla est in his temporibus definiendis, qui sub Apseude Metonem habet neque quidquam amplius, sub Pythodoro pugnam Potidaensem, sub Euthydemo principium belli Peloponnesiaci ex Ephoro excerptum et res plerasque sub Pythodoro 431 gestas, e quibus tamen nonnulla, velut expeditionem Locricam ad Apollodorum adeo traicit. turpe est ad has ineptias exigi Thucydidem.

successerint, an his imperium prorogatum sit, an imperium ipsi ultra anni sui finem tenuerint, nescitur; licuisse enim et hoc et illud e iure Attico, pariter atque Romae licuit, demonstravi in Cydathenaeensibus. id vero velim teneant, qui imperii Attici maiestatem aestimare conantur atque de Periclis et Thucydidis iudicio detrahunt, Atheniensium exercitum per plus tres menses vix quoquam obviam eunte in hostium finibus castra tenuisse, Archidamum vero cum Peloponnesiis partem unius Atticae vastasse per unum mensem, si multum numeramus¹⁾. profecto, si Atheniensibus eodem modo bellum per tres tantum annos licuisset gerere, Peloponnesii exhaustis agris thesauris opibus manus dedissent necessario. classis Attica cum proficisceretur Maio exeunte, Peloponnesii Acharnis erant; hoc igitur tempus Thucydides (II 19) dixit fuisse τοῦ θέρους καὶ τοῦ σίτου ἀκμαζόντος, nec debet negari rerum naturae hoc optime convenire²⁾. octoginta diebus ante, ineunte martio Plataeae occupatae sunt, paucis ante novilunium diebus³⁾, quod 9 martii die evenit. huic quoque tempestati et narratio Thucydidis et ἀμα ἤρξε ἀρχομένη (II 2) optime convenit. laetor autem ita confirmari Kruegeri sententiam, cui plerique Boeckhio duce haud recte aprilis mensis principium praetulerunt; nam Kruegeri et in Thucydide enarrando et in temporibus Graecorum emendandis virtutem, utpote in accuratissima sermonis Graeci cognitione positam, multo pluris facio quam eam quae nunc regnat rerum novarum cupiditatem, aut speciosa aliunde ad veteres scriptores arcessita commenta. denique ad Potidaeam pugnatum esse sexto ante Plataeas occupatas mense Thucydides tradit: id est, luna ex illius pugnae tempore quinquiens cursum peregerat, sextum inceperat. quippe scriptor qui tempora non e fastis publicis ullis sed e naturae vicissitudinibus pernumerat annum vocat unum solis, mensem unum lunae cursum. hoc tam simplex est, ut multi sint qui spernant: quos neglegere fas est. pugnatum est ad Potidaeam mense septembre exeunte 432.

1) Plurimum tempus eos anno 430 in Attica fuisse dicit Thuc. II 57: fuerunt dies quadraginta.

2) Maturum frumentum, sicut maturam virginem, dici cum usui aptum est, pluribus exponerem, nisi ipse Thucydides quid intellegi vellet aperte ostendisset IV 2 πρὶν τὸν σίτον ἐν ἀκμῇ εἶναι, IV 6 πρὶν ἐσθλόντες καὶ τοῦ σίτου ἐν χλωρῷ ὄντος ἐσπένδον τροφῆς. in agris Atticis tempus hoc messi proximum alteri mai parti unice convenit, quamquam annus unus ab altero valde differt. at idem ubi de Bottiaea dicitur (II 79) iunio demum convenerit, cui principium obsidionis Plataearum recte a Classeno tribuitur, quod Thucydides ad idem tempus atque Thraciam illam expeditionem revocat. sunt autem tales notae semper ambiguae. Lutetiam obsidere coepimus die 19 sept. vescebamur uvis, quas in vineis, pomis terrestribus, quae in agris inveniebamus matura. in eisdem colligendis Bellovacos occupatos invenimus exeunte octobre. i nunc et e militis narratione, qui ex his solis factis tempus definit, menses diesque pernumera. aestatis ἀκμῇ nobis fortasse parum commode videbitur Thuc. in medio mense maio collocasse, quamquam similia vel sub arcto dicta esse confitebitur qui medii aevi cantilenas non contempserit. tenendum vero neutrum a Thuc. nude dici, sed lectoris esse tempus quaerere cui et aestatis et frumenti ἀκμῇ conveniat.

3) Errant manifesto qui ipsa novilunii nocte Plataeas occupatas esse volunt. dixisset enim Thucydides νοσηνία γὰρ ἦν, non id quod dixit II 4 τελευταῖος τοῦ μηνός. ἱερομένην eo die Plataeis fuisse (III 66. 65) nihil probat, nisi Plataeis perinde atque Athenis νοσηνίαν τὴν κατὰ σελήνην et νοσηνίαν τὴν κατ' ἀρχοντα distinguendas esse.

Naturae et magistratuum vices, probabilitas rebus gestis insita, tabularum publicarum rationes, Thucydidis narratio, omnia inter se conveniunt. obstreperit verbum unum, idem quod primus Kruegerus notavit, Plataeas captas esse *Πυθωδώρου ἐν δύο μηνῶν ἀρχοντος Ἀθηναίους*. a martio ad augustum quinque menses sunt. Kruegeri emendatione (*τέσσαρας*) usi sunt cum Boeckhio plerique qui aprilem intellegebant, nam intercalarem annum Pythodori fuisse Kruegerus ignorabat. emendabimusne *πέντε*, ut ratio Kruegeri constet? nolo id facere. non tam numerus me vexat quam elocutio. *Πυθωδώρου ἀρχοντος* indicat archontem eo tempore fuisse Pythodorum: qui potest fieri, ut idem significet Pythodorum ex eo tempore duo menses archontem fore? qui potest temporis definitio quae ad certum spatium pertinet cum indicatione temporis momenti coniungi? hoc ego quidem nego posse tolerari. necessario fuisset dicendum quale proposuit A. Mommsenus *ἐνατον μῆνα ἀρχοντος*. nec nihil vidit Muellerus Struebing qui ephori Lacedaemonii eodem pacto quo archontis Attici magistratum per menses definiendum fuisse monuit. sive igitur verus mensium numerus est sive falsus, eiciendus est. ac fuit cum interpolatio nondum legeretur. vide modo V 20 *σκοπεῖται δὲ τις κατὰ τοὺς χρόνους καὶ μὴ τῶν ἐκασταχοῦ ἢ ἀρχόντων ἢ ἀπὸ τμητῆς τινὸς σημαϊνόντων τῇ ἀπαριθμήσει τῶν ὀνομάτων ἐς τὰ προγεγενημένα πιστεύσας μᾶλλον (οὐ γὰρ ἀκριβές ἐστιν), οἷς καὶ ἀρχομένοις καὶ μεσοῦσι καὶ ὅπως εὐτυχὲς τῷ ἐπεγένετό τι. κατὰ θέρη δὲ καὶ χειμῶνας ἀριθμῶν ὥσπερ γέγραπται κατέ¹⁾*. haec qui scripsit negavit narratione per annos digesta tempora tam accurate definiri, quam si annus Thucydideo more in aestatem et hiemem distribueretur. at enumeratis mensibus qui Pythodoro supererant multo accuratius hercle indicabatur Plataearum captarum dies quam per illa *ἅμα ἔτι ἀρχομένων*. quae cum ita sint, fraudis convicta sunt vocabula ista *ἐν δύο μηνῶν*. quodsi ab interpolatore profecta sunt, verum numerum restituere timebimus. neque praepostera interpolatoris ratio latet. fac enim legerit apud Thuc. V 26 a principio belli ad captas Athenas viginti septem annos praeterisse, captas Athenas munichionis 16 compertum habuerit (quod non miramur, cum vulgo creditum sit eodem die ad Salamina pugnatum esse): principium belli ad eundem mensem referendum esse ratus notam adlevit, non tam perversam futuram, nisi Pythodori annus fuisset intercalaris.

Expensa anni Pythodori quae ad bellum Macedonicum pertinent tam

1) Ita scribenda mihi videntur verba multifariam temptata; ac praeiere fere in singulis et emendendis et interpungendis alii. traditum est *τὴν ἀπαριθμῶν* et *σημαϊνόντων* post *προγεγενημένα* conlocatum, qua traiectio dativus necessario corrumpitur. quid dictum sit in propatulo est, nec latuit scholiastam, nempe fidem haberi enumerationi nominum eorum qui per magistratum temporis signa dent. hinc dativum restitui iubet grammatica, atque genitivorum qui parum dilucide cumulantur inversa collocatio quam maxime Thucydidea est. sequitur statim *ἐξ ἡμισίας ἐκατέρου τοῦ ἐνιαυτοῦ τὴν δύναμιν ἔχοντος*, ita ut *pro dimidio anno et hoc et illud sit*. fides autem enumerationi archontum habetur *ἐς τὰ προγεγενημένα*, in computandis rebus gestis, ita ut haec vocabula suo loco posita sint; nec video quid sibi velit *ἐς τὰ προγεγενημένα σημαίνειν*, nec melius archontes dicerentur *τὰ προγεγενημένα σημαίνων*, cum archontis nomen suo tantum anno signum det.

gravia et nova non docent, quamquam ego certe laetor, cum video Athenienses bello quod multo magis contra Potidaeatas Chalcidensesque geretur nomen a peregrino populo quam a sui imperii provincia sumptum indere maluisse. quoniam Potidaea a magno exercitu per totum Pythodori annum obsessa tenebatur, consentaneum erat pecuniam publicam omnibus fortasse prytaniis illuc mitti, certe tam saepe, ut ne id quidem coniectando assequi possimus, quot versus inter primum alterumque pilae fragmentum intercepti sint. unum vero licet adfirmare. siquidem ad Potidaeam mense septembre exeunte 432 pugnatum est, ei praetores, quibus prytania altera Pythodori i. e. mense augusto 432 Athenis pecunia expensa est, ad Potidaeam pugnaverunt. e quibus a Thucydide (I 61) Callias Calliadae f., in lapide nunc tantum Eucrates nominatur. prima autem eiusdem anni prytania ante Panathenaea (quo tempore ei quorum rationes nos tenemus quaestores magistratum inibant) Athenienses eodem miserant Archestratum (Thuc. I 57). tum iam defecerat Potidaea, sed Athenienses non statim, ut e re fuisset, Calliam proficisci iusserunt, verum praetermiserunt dies fere quadraginta: tot enim diebus post defectionem Aristeus Corinthius Potidaeam intravit, quo nuntio accepto tandem Callias contra rebellantem urbem profectus est (Thuc. I 61). ante defectionem, i. e. ante mensis iulii initium, Potidaeatae per legatos diutius cum Atheniensibus egerant. quos cum tributo annuo ad Liberalium festos dies Athenas venisse ex usu, qui in imperio Attico vigeat, consequitur. omnia enim omnino a Potidaeatibus gesta non possunt intellegi, nisi statuimus tributum ab eis sub Apseude solutum esse, quod quidem in mutilatis hellenotamiarum rationibus non amplius scriptum extat. velim haec singillatim percenseant qui certiores fieri cupierint, in his quidem rebus quales a Thucydide narrantur ne umbram quidem remanere difficultatis.

Tamen gravissima narrationi Thucydideae inest difficultas, non a me demum inlata, sed ex quo pugna ad Sybota commissa in mense septembre 433 conlocata est, aperte ante oculos posita, quamquam dissimulari solet potius quam excusari. Thucydides postquam narravit classem Atticam Corcyra rediisse pergit (I 56) *μετὰ ταῦτα δ' εὐθὺς καὶ τὰδε ξυνέβη γενέσθαι Ἀθηναίοις καὶ Πελοποννησίοις διάφορα*, exponit res Potidaearum *ταῦτα δὲ πρὸς τοὺς Ποσιδαίαιτας οἱ Ἀθηναῖοι προπαρεσκευάζοντο εὐθὺς μετὰ τὴν ἐν Κορκυραῖ νῆμαχίαν*, sequiturque post pauca expeditio Archestrati. ecquisne adfirmare ausit, hinc se collecturum fuisse, a pugna Corcyraea ad Archestrati expeditionem praeterisse decem menses? immo quicumque et sibi verum confiteri et quod sentit palam profiteri non veretur, is aegre quidem feret sed non dissimulabit rem ita se habere, ut aut Thucydides gravissimae negligentiae damnandus sit, aut id quod legitur quale legitur ab eo profectum non sit. iam accelerabit credo dienoslemmatoslogos et integerrimum caput rutro displanabit. alii tamquam iugo Thucydideae auctoritatis liberati clamabunt *ἔλυνθήκα Κόρυθα* — finge quod libet. mihi persuasum est Thucydidem et voluisse et potuisse verum dicere, sanam autem narrationem cogere donec id dicat quod nobis placet, artis non sanae esse. sed nondum quidquam adfirmo; convertamus oculos ad decimum belli annum.

Pacem Niciae incipere ab elaphebolionis die 27 archonte Alcae in

ipso instrumento pacis legitur, quem diem fuisse anni 421 aprilis fere 12 per Boeckhii curam exploratum est. sponsio ipsa eum diem, qui paci incipiendae per sponsionem praefinitur primus, necessario aliquot diebus antecessit; itaque iure legitur apud Thucydidem (V 20) facta esse statim post Liberalia, i. e. medio elaphebolione. deinde Spartani convocatis sociis pacem frustra commendant accipiendam; Clearidas nuntio pacis accepto Amphipoli Spartam properat ut irritam eam faciat; re infecta Amphipolin revertitur; sociis dimissis Spartani cum Atheniensium legatis de foedere agunt; foedus feritur legatis Atheniensium sacramento adactis. haec omnia quantumvis spatia temporum coartemus, unum certe mensem sibi postulant, nec potest foedus ante thargelionem Alcaei conclusum esse. convenit quod Thrasycles, unus e legatis, Peloponnesiis quibusdam, quorum hospitio in itinere usus erat, proxeniam ab Atheniensibus archonte demum Aristione, i. e. non ante iulium 421, impetravit¹⁾.

Apud Thucydidem post foederis instrumentum legitur (V 24) καὶ τὸ θέρος ἤρχε τοῦ ἐνδεκάτου εἰτους. immanis error et Thucydide indignus. mense maio exeunte non incipit, sed matura est aestas. ταῦτα δὲ τὰ δέκα εἴη ὁ πρῶτος πόλεμος ξυνεχῶς γενόμενος γέγραπται. sunt haec non nimis perspicua, sed nisi per vim agimus, non possumus aliter ea intelligere, quam ut bellum continuum gestum esse dicatur. quod ineptum est. nam non solum pax iam ante mensem conclusa est, sed etiam indutiae fuerunt ab elaphebolionis 14 Isarchi ad 7 metagitnionis Amyniae²⁾, i. e. ab aprili 423 ad augustum 422, neque quidquam inde a pugna Amphipolitana usque ad pacem hostile gestum est, ita ut in continuo hoc bello duo anni praeter tres menses bello caruerint. ne hoc quidem Thucydide dignum puto. nec tamen aut mutare ea aut delere licet, quippe quae artissimo vinculo cohaereant cum capite vigesimo. ibi post pacis instrumentum secuntur haec αὐταὶ αἱ σπονδαὶ ἐγένοντο τελευτῶντος τοῦ χειμῶνος ἅμα ἤρην ἐκ Διονυσίων εὐθὺς τῶν ἀστυῶν, αὐτὸ δὲ καὶ εἰτὼν διελθόντων καὶ ἡμερῶν ὀλίγων παρενεγκουσῶν ἢ ὡς τὸ πρῶτον

1) CIA I 45. quorsum pertineat decretum, recte animadvertit Koehlerus *Mittell.* I 171, sed in temporibus definiendis lapsus est: Niciae pax neque a. Chr. 420 neque sub Aristione conclusa est. ergo Hippothontis prytania, qua praesidente Thrasycles rogationem tulit, e primis Aristionis fuit, aestatis vergentis 421.

2) Unus quod sciam Muellerus Struebing de Thuc. V 1 sincere iudicavit; quod caput debebant viri docti inter corruptissima habere, ex quo constat Pythia metagitnionie acta esse, sicut antea Boeckhio Pythia ad ver revocanti (CIG I p. 814) idem caput pro fundamento fuerat. hiant vero verba tradita non uno loco; expectaveris non qualia Muellerus dedit, sed haec fere τοῦ δ' ἐπιγιννομένου θέρους αἱ μὲν ἐνιαύσαι σπονδαὶ διελέοντο (Elaph. 17), <ἀνὰ δέκα δ' ὅμως ἡμέρας σπενδόμενοι οὐκ ἐπῆσαν ἀλλήλοις> μέχρι Πυθίων· καὶ ἐν τῇ ἐκχερίᾳ Ἀθηναῖοι Ἀθλίους ἀνέστησαν etc. porro cap. 2 Κλίων δὲ Ἀθηναίους πείσας <μὴ ἀνανεῶσαι τὰς σπονδὰς τρίτος αὐτὸς στρατηγός> ἐς τὰ ἐπὶ Θούριος χωρία ἐξέπλευσε μετὰ τὴν ἐκχερίαν (medio fere Metagitnionie). etiam ultima capitis primi verba lacerata sunt; fuerint fere haec καὶ οἱ Ἀθλίοι, οἳ μὲν (οἱ μὲν δ. libri) Ἀτραμύτιον Φαρνάκου δόντος αὐτοῖς ἐν τῇ Ἀσίᾳ ᾤκησαν, <οἳ δ'> οὕτως ὡς ἑκαστος ὥρμη<ν>το. omnino concedendum est, postquam V 47 cum lapide comparare licuit, persaepe omitendo Thucydidis librariorum peccasse, atque constat hoc vulneris genus gravius esse interpolatione.

ἡ ἐσβολὴ ἢ δὲ τὴν Ἀττικὴν καὶ ἡ ἀρχὴ τοῦ πολέμου τοῦδε ἐγένετο. quibus indicari decem annos paucosque praeterea dies a prima irruptione praeterisse numquam debebat negari; quid enim rarum atque ut videtur singulare *παρενεγκεῖν* significet¹⁾, alter locus V 26 docet, *εὐρήσαι τις τοσαῦτα ἔτη* (viginti septem) *λογιζόμενος κατὰ τοὺς χρόνους καὶ ἡμέρας οὐ πολλὰς παρενεγκούσας*. ab occupatis Plataeis (6—8 mart. 431) ad expugnatas Athenas (circa 14 april. 404) sunt anni 27, dies non plus triginta octo²⁾. in hoc igitur loco nihil est ambigui. at sive ab eo tempore anni 431 proficiscimur quo Archidamus agros Atticos vastare coepit (maio exeunte) sive quo Oenoam aggressus est (maio ineunte), Thucydidem in diebus numerandis ratio fugit, deficient enim 20—40 dies. at Thucydides principium belli non computavit ab expeditione Archidami, sed ab occupatis Plataeis, ita ut hoc libri quinti caput cum libris omnibus qui praecedunt³⁾ nulla arte conciliari possit. quod qui animadverterunt tollere vario modo conati sunt; sunt qui Thucydidem aliter de initio sensisse comminiscuntur cum bellum decenne describeret, aliter bello Peloponnesiaco confecto. quam sententiam cum alia multa refutant, tum quae de annorum viginti septem computo modo proposui de capite V 26. Aemilius Muellerus ressecta primae incursionis mentione capiti 20 solitum computum inferri posse credidit. at *αὐτόδεκα ἔτων διελεύοντων καὶ ἡμερῶν ὀλίγων παρενεγκουσῶν, ἢ ὡς τὸ πρῶτον ἡ ἀρχὴ τοῦ πολέμου τοῦδε ἐγένετο* neque Thucydides neque quisquam homo scripsit. quis enim non sentit, diserte fuisse indicandum terminum, a quo belli principium deduceretur? quis non videt, structuram enuntiati satis importunam eo effectam esse quod duo substantiva *ἐσβολὴ* et *ἀρχὴ* cum uno praedicato erant copulanda? quod nisi fuisset plane necessarium, is qui haec scripsit simpliciter dicere poterat *ἀπὸ τῆς ἀρχῆς τοῦδε τοῦ πολέμου*. et ut grammatica Muellerianam coniecturam admitteret: efficitur ita, ut Thucydides non videatur neglegenter egisse? postquam scimus Plataeas ineunte martio occupatas esse, ne hoc quidem efficitur; *αὐτόδεκα ἔτη* enim non amplius computantur. quae cum ita sint, relinquendus scriptori suus error, nec difficile intellectu, cur erraverit. statim post Liberalia 421 sponsio facta est: non multo post Liberalia 431 (exeunte aprili) Melesippus praeco Archidami cum excederet Atheniensium finibus exclamavit *ἦδε ἡ ἡμέρα τοῖς Ἕλλησι μεγάλων κακῶν ἄρξει* (Thuc. II 12), intratque statim Archidamus fines Atticos. profecto haud inepte ex hoc die

1) Conferri potest item singulare *παρὰ πολὺ ἐποίησεν* II 7. utrumque de trutina videtur translatum.

2) Boeckhius cum dicit Thucydidem non dies paucos sed mensem dicturum fuisse, si dierum numerus mensem excederet, fallitur. Thucydides enim permultis locis dies tantum, quadraginta puta octoginta septuaginta duos numerat, neglectis mensibus. similiter Athenienses aut talenta computant aut drachmas, minis neglectis.

3) Numerat enim annos belli ita, ut in hiemis et veris confinio principium conlocet, quod martii principio, non maio convenit. est vero etiam locus qui paucis paginis a V 20 distat, quo ad computum II, 2 propositum remittamur. Chrysis enim Innonis Argivae flaminica, qua flamonium tenente bellum exarsit, cum honore excidit, belli octo anni et dimidium praeterierant (IV 188): fugit aestate exeunte 428, neque dimidium illum annum consequimur, nisi principio belli ad martii primos dies revocato.

bellum Peloponnesiacum coepisse dicitur. neque vituperandus qui Liberalium utrorumque memor ἀριθόσκα ἔτη numeravit. sin vero ad memoriam hominis aequalis refugere non vis, fac legerit decretum, quo populus Atheniensis bellum incipiendum esse constituit. hoc decretum paullo ante Melesippi adventum factum esse Thucydides item II 12 prodit: factum ergo ἐν διορύσσει εὐθύς τῶν ἀσυνῶν. videtur mihi res manifesta esse: is qui V 20 scripsit, anni quidem Attici dies sanequam congruentes inter se comparavit, Pythodori annum intercalarem, Alcaei communem fuisse neglexit. ergo Thucydides V 20 non magis scripsit quam V 24 § 2. atqui neque hoc neque illud ex hac quam nos accepimus historiarum compage evelli potest. itaque etiam Thucydeae artis caementa aliquo glutine compacta sunt.

Redeamus nunc ad I 56. plena et perspicua de Coreyraeis narratio est, plena et perspicua de Potidaeatis; sed coniunguntur tamquam continuo gesta inter quae hiems 433/2 interiacet. quod spatium ut vacuum fuisset, non poterat deserto illo εὐθύς dissimulari. re vera non solum nos quid per hiemem istam acciderit novimus, sed ipse Thucydides quamvis breviter significat. nam Sparta in legitimo sociorum concilio Megarenses commercio ab Atheniensibus se excludi queruntur (I 67), atque famosum illud ψήφισμα Μεγαρέων belli maxime conspicuam causam fuisse non solum nos ab Aristophane Ephoro Plutarcho attitide accepimus, sed ipse Thucydides fatetur (I 139. 144). ain tu tacere de eo licuisse Thucydidi, aut satis ab eo dictum esse qui ne Anthemooriti quidem caedem commemoravit? minorisne momenti Megara Epidamno, quam nemo per bellum Peloponnesiacum curavit¹⁾? quodsi habemus quod ante Potidaeatarum res necessario erat narrandum atque spatio isti vacuo convenit, quidni concludimus, Coreyraeorum quidem et Potidaeatarum res a Thucyde narratas esse, sed ab editore demum tam arte copulatas, cum Megarensium rerum descriptionem in commentariis Thucydidis non repperisset? editori maledicat qui rectius se facturum fuisse opinatur. ille enim aut obscurare debebat lacunam, si omnino animadvertit, aut significare aut proprio commento explere. horum autem neutrum quicumque ex eis fecit qui postumos libros olim ediderunt, cum nihil antiquius haberent quam ut suam operam lectores penitus celarent. quae pietas ut molestissima nobis ita minime inhonesta est. molestissimum item, quod per multas editor creavit dittographias, cum duplicem eiusdem sententiae formam coniunctim curaret edendam²⁾; opprobrio tamen ei vertamus, quod adno-

1) Etiam Aeginetarum querelae comparent I 67. 139. 140. quibus quid contra pacem anni 444 acciderit hodie ignoramus. cf. Cydath. 14.

2) Huius generis sunt quae V 14 Steupius recte vituperavit, perperam eiecit, et II 20, quod supervacaneum esse vidit Cwiklinskius, male eiecit Muellerus Struebing. consimilis locus est VII 48. 49, rationibus Niciae bis terque propositis. in orationibus numquid ita iudicandum sit in vetustae eloquentiae prolixis argutiis difficile dictu; in pestis descriptione iniuria opinor haesit Cwiklinskius. sed ita solvenda mihi videtur quaestio cui vel G. Hermannus impar erat I 26; alterius enim recensionis verba sunt p. 31, 3 οἱ δ' Ἐπιδάμνιοι — 14 γρηγοράς. hoc exemplum maxime simile est eorum, quae innumera praebebet crisis Aristotelea. famosum caput III 17 utrum e codicillis Thucydidis male intellectis an e suis rationibus item pravis editor amplificaverit, nondum definio. et ut cu-

tationum marginalium cancellorumque usus nondum repertus erat? effecit editor etiam ut Thucydides secum ipse videatur pugnare. gravissimum monstrabo exemplum. constat hodie Thucydidi cum res annis 422/1 gestas narraret ignota fuisse instrumenta indutiarum (IV 117) sponsionis (V 18) foederis (V 23). ergo ipse ea non inseruit. eratne inserturus? minime quidem: constans historicae artis regula est, totidem verbis non inseri quae alieno stilo scripta sint¹⁾. neque Thucydides profecto, qui orationes et epistulas suae eloquentiae pignora esse voluit, et in perfectis historiarum partibus, bellis Archidameo et Siculo regulae obsecutus est, ceteroquin eam laesurus erat, sed documenta undique conquirebat quibus ad Peloponnesiacum bellum expoliendum uteretur. editor vero laudandus qui cum aedificium quod artifex mente conceperat perficere non posset, non solum caementa parum affabre laevigata sed etiam rudem hanc materiam oculis nostris subiecit, etsi verum est ita Thucydidem secum pugnare videri: sed hoc ille fortasse non perspexit; si perspexit, laude etiam maiore dignus qui veritati servire maluerit quam suavitati. quid porro de libris V et VIII censendum, in quibus aliquot documenta prostant artissime cum narratione coniuncta? me iudice nihil aliud, nisi manum editoris multo audaciorum atque largiorem fuisse in istis partibus, quarum capita nonnulla perscripserat, aliorum prima tantum lineamenta duxerat Thucydides. sed desino quamvis invitus de editore loqui, quem digito tantum monstrare tandem constitui. nisi enim refutabor, in huius hominis ingenio atque consuetudine explorandis cardo eius quaestionis vertetur quam movit qui primus in Thucydide sapere ausus est Ullrichius. in cuius laude libenter subsisterem, nisi paucis explicanda esset temporum ratio, quam Thucydides sequendam sibi proposuit.

Solis circuitus annus vocatur, itaque omnes anni eiusdem longitudinis sunt. anni numerantur belli, cuius terminos scriptor definivit. vesanum igitur est annos eius e cuiusvis populi rationibus describere. at terminus e quo numerandi essent Thucydidi figendus erat. fixit in eo facto quod belli principium ipse pro suo arbitrio esse voluit, in occupatione Plataearum. quodsi certum diem voluisset indicare, poterat hoc facere aut per caeli signa (velut per aequinoctium vernum, si convenisset) aut per fastos populorum principum publicos. neutrum fecit, immo ne eius quidem facti, quod strictim commemorat, versus novilunium Plataeas esse occupatas, in computandis annis rationem habet. itaque anni principium non in certa die, sed in tempestate neque omnino ad unum diem revocanda neque quotannis ad

randi non sunt qui ineptias istas concoquunt, ita interpolari potuisse ea quae de mercede militum dicuntur ne Steupius quidem demonstravit. qui causae suae maxime offecit terminis interpolationis (aut potius additamenti) perperam positis. Thucydides enim primitus certe dederat haec καὶ κατὰ τὸν χρόνον τοῦτον πλείστα δὴ νῆες ἅμ' αὐτοῖς ἐνεργοὶ καὶ ἄλλαι (καὶ ἄλλαι quid sibi velit nescio) ἐγένοντο, καὶ τὰ χρήματα τοῦτο μάλιστα ὀπανήλωσαν. quae corriguntur notis hisce παραλήψεις δὲ καὶ ἐν πλείους ἀρχομένου τοῦ πολέμου etc. et μὴτὰ Ποσειδαιας etc. notae, si summam spectas verum dicunt, si singula percenses qualia leguntur, ineptae sunt.

1) Hoc qui mihi (Herm. XII 388) non crediderunt, legant quae de arte historica eleganter Nipperdeius disseruit in opusculis a Schoellio editis.

certam diem redeunte collocavit. nam parapegmate Thucydides usus esse putandus erit, si aequales eius, e quorum narrationibus hausit, veris initium a Metone potius quam ab hirundine et miluo didicisse demonstrati erunt. itaque ver primi anni incipit fere 7 mart. (29 gamel.), noni medio aprili (14 elaph. IV 117), undecimi (si hoc licet hoc referre) versus medium aprilem (27 elaph. V 19). aestas octavi 21 mart. (1 elaph. IV 52). neque miramur semel ver tribui hiemi (II fin.), cum ea quae proxima aestate prima geruntur medio maio convenient¹⁾. intra anni spatium quoniam res eo ordine quo gestae sunt narrantur (II 1) et a naturae vicibus accuratiores notae (*ἐκβολὴ ἀκμῇ οἴου, καρποῦ ξυγκομιδῇ, τρυγητός*, quo spectat etiam *φθινόπωρον*; tres enim Horae Atheniensium sunt) aut a caeli vicibus (*ἀρχαίων ἐπιτολαί, τροπαί χειμεριναί*. aequinoctium non magis curat quam veteres Graeci plerique, fortasse omnes) repetuntur, non nimis grave est partes certas distingui. distinguitur autem semper hiems, sicut promittitur II 1. quam ex eis quae de vere explorata sunt iudicari par est. ac licet fortasse credere, sicut martius modo hiemis, modo aestatis est, ita octobrem esse ambiguum, quamquam exempla certa aestati tantum hunc mensem attribuunt²⁾. potest igitur verum esse quod V 20 affirmatur pares esse aestatem et hiemem; verum utique est, si Thucydides ea verba scripsit; si editoris sunt, quod mihi praeplacet, dubitationi locus est.

Haec tam simplicia scriptor ipse docet. ac probe iam intellegimus, cur ad mirum artificium confugerit, quo bellum incipere facit *ἐν σπονδαῖς* (II 5): temporis rationes quas excogitaverat a vere bellum incipere flagitabant. quodsi circumspicimus, quid eum permoverit, tenendum est eo tempore quo consilium belli describendi cepit, fortasse annales nullos fuisse editos; certe de nullis demonstrari potest. at Herodotus Athenis eodem tempore scribebat atque solus et unus Thucydidi exemplo esse potuit et fuit. Hero-

1) Etiam III 116 quae *περὶ τὸ ἴαρον* accidunt hiemi attribuuntur; sed agitur de Aetna, et nuntius e longinqua terra perlatus necessario ambiguus erat. viginti anni hiems quae describitur VIII 29—60 totum adeo aprilem complecteretur, si credere liceret Spartanos octoginta dies Rhodi tetendisse otiosos (VIII 44); circa solstitium domo profecti donec Rhodum appellerent multos dies triverant. sed videtur potius *II* in *N* esse mutandum; sequitur enim 61 *ἅμα ἤρην εὐδὲς ἀρχομένην*. VIII 8 Vaticani lectio nullis iam cavillationibus obnoxia, quamquam altera item bona est. VII 19 autem speciosae Ungerii coniecturae obtemperandum non est. qui recte in eo haesit, quod solo hoc loco in anni principio indicando aestatis mentio omittitur. at quod *ἥρος* in *θέρους* mutat non magis tolerabile est, cum sequatur 20 *ἐν τούτῳ τοῦ ἥρος εὐδὲς ἀρχομένην*, 21 *ἐπὶ τοὺς αἰετοὺς χρόνους τούτου τοῦ ἥρος*, hoc item singulare. aestas vero ante ver incipiens vix fuerit apud mortales ullos nisi forte eos qui pascha et quinquagesimam eadem die agant. itaque aut violenter agendum reponendumque est τοῦ *δ' ἐπιγυγνομένου θέρους ἅμα ἤρην εὐδὲς ἀρχομένην*, aut tolerandum est violari aequabilitatem, non a Thucydide, sed ab editore, quem has formulas per libros V—VIII addidisse utique probabile est.

2) Pleraque recte exposuit Muellerus Struebing (sed quae de CIA 273, 26 dicit vana sunt), VIII 1 certe octobrem aestati addendum esse, et quae III 86 sub finem aestatis accidisse narrentur, item octobris esse, sagaciter suppleto titulo 179^b. aestate 414 Nicias epistolam Athenas mittit, quae hieme eo pervenit, Athenienses statim Eurymedontem proficisci iubent: proficiscitur circa solstitium (VII 9. 10. 16). haec hiems ante novembrem, opinor, non incepit. mitto alia minus certa.

doto annalium usus ignotus est; reddit *ιστορίαν* suam non aliter ac fecerunt Hecataeus Scylax Heraclitus Anaxagoras. quid tempora inde perpessa sint, omnes et scimus et dolemus. hoc vitare studebat Thucydides, atque siquidem pariter atque ille omnibus Graecis vel potius hominibus scripsit, caelum commune omnibus caelique rationes non astrologicas sed rusticas ducere tempora sua voluit. ex eis dinumerabant testes, quorum narrationes referebat; quid quod vita privata haud iniuria has rationes sequi malebat quam archontis fastos et fallaces saepe et parum faciles notu. at dum scribit Thucydides, cum alii tum Hellanicus, cum monumenta vetera annalesque et sacros et publicos ederent, civilibus annis uti coeperunt, atque nos quidem lugebimus parum confisum esse patriis institutis Thucydidem, quae vel nobis tam nota sunt, ut multo accuratius indicaturi fuerimus per dies singulos res ab Atheniensibus gestas, si ad Atticos menses aut dies festos eas revocasset. ipse aliter sensit, perstitit in more suo (nec miramur id, cum procul a patria scripserit), atque adeo Hellanici annales parum accuratos esse in temporibus indicandis contendit: en quantum sibi placuerit. quamquam in hoc opprobrio certum aliquid spectavit, fallaci fiducia deceptus. quod peculiari disputatione indiget.

Dabam Gottingae a. d. IV Kal. Febr.

I. SCHOLAE ORDINIS THEOLOGORUM.

a. Professorum ordinariorum.

AUGUSTUS WIESINGER, Dr., publice *Seminarii catechetici* exercitationes die Merc. h. II—III, *exegetici*, in quo selectos Nov. Test. locos explicandos proponet, die Mart. h. VI—VIII moderabitur. Privatum *Pauli epistolas* (ex. ad Rom. Tim. Tit.) quinis dd. h. IX—X interpretabitur; *Summam theologiae practicae* quinis dd. h. XI—XII tradet.

JULIUS WAGENMANN, Dr., privatim *Historiam ecclesiasticam saeculi XIX.* quinis scholis enarrabit hora VIII; *Historiam dogmatum* quinis dd. hora VII.

ALBERTUS RITSCHL, Dr., privatim *Epistolas N. T. catholicas* interpretabitur quinquies h. XI. *Theologiae dogmaticae partem alteram* explicabit quinquies h. XII. Idem *Seminarii regii theologici* exercitationes systematicas moderabitur die Veneris h. VI.

HERMANN. FERDINAND. REUTER, Dr., publice *Historiam dogmatum Christianorum* medii aevi inde a tempore Anselmi bis die Martis et Veneris h. XI enarrabit. Privatum *Historiam ecclesiasticam* primorum sex saeculorum sexies h. VIII enarrabit. In *seminario regio* exercitationes ad *historiam ecclesiasticam pertinentes* moderabitur.

HERMANNUS SCHULTZ, Dr., privatim *theologiam Veteris Testamenti* explicabit quinquies hora XII; *religionis christianae cum ceteris comparatae indolem et veritatem* demonstrabit quinquies h. X. Idem *Seminarii regii homiletici* exercitationes sueto more moderabitur.

KAROLUS KNOKE, Dr., privatim *Encyclopaediam studiorum theologorum* quaternis scholis h. III docebit, *Historiam aevi Novi Testamenti* binis scholis h. IV narrabit; publice *Exercitationes Seminarii Regii homiletici et liturgici* die Sat. h. IX—XII, *catechetici* h. II moderabitur.

b. Professorum extraordinariorum.

GEORG. CONR. AMADEUS LÜNEMANN, Dr., *Pauli ad Romanos epistolam* interpretabitur quinis per hebd. diebus h. IX—X.

BERNH. DUHM, Lic. theol., *librum Jesaiae* explicabit quinquies h. X; *historiam populi Israelitici* tradet dieb. Lunae, Merc., Martis h. IV; *eschatologiam Pauli apostoli* exponet die Veneris h. IV publice.

c. Privatim docentis.

BORNEMANN, Lic. theol., *Acta apostolorum* explicabit, ter h. IX. Idem *patrum ecclesiasticorum vitas et scripta* exponet, ter h. VIII.

II. SCHOLAE ORDINIS IURISCONSULTORUM.

a. Professorum ordinariorum.

RUDOLPHUS DE JHERING, Dr., *Exercitationes practicas moderabitur* dieb. Lun. Merc. Vener. h. XII—I.

OTTO MEJER, Dr., *Ius ecclesiasticum tam Evangelicorum quam Catholicorum* quinquies p. hebd. docebit h. X.

RICHARDUS WILHELMUS DOVE, Dr., *Exercitationes juris canonici et ecclesiastici exegeticas et practicas moderabitur* privatissime et gratis d. Vener. h. VI—VIII.

CAROLUS ED. ZIEBARTH, Dr., *privatim selecta juris civilis borussici capita exponet* d. Martis, Veneris h. XI; *de libris publicis fundorum eorumque jure disseret* d. Saturni h. VII—IX; *exercitationes practicas quae ad jus criminale spectant* instituet d. Iovis h. IV—VI; *publice doctrinam hereditarium Romanorum Germanorum Borussorum Francogallorum aliorum* inter se comparabit d. Mercurii h. XI.

FERDIN. FRENSDORFF, Dr., *Ius publicum Germaniae tam imperii quam civitatum ejus* quinquies p. hebd. h. VII—VIII tradet; *Historiam juris Germanici* quinquies p. hebd. h. VIII—IX enarrabit.

RICHARD. ED. JOHN, Dr., *processum civilem* docebit quotidie h. IX; *processum criminalem* docebit quater per hebd. h. VIII. *Encyclopaediam juris* docebit ter per hebd. h. XI.

C. LUDOV. DE BAR, Dr., *Ius criminale* tradet h. XI dieb. Lun., Martis, Iovis, Veneris; *Exercitationes practicas ad processum civilem spectantes* moderabitur die Martis h. IV—VI.

FERD. REGELSBERGER, Dr., *Institutiones iuris Romani* sexies per hebd. docebit die Lun. — Ven. h. IX—X et die Merc. h. X—XI; *Historiam iuris Romani* exponet quater per hebd. die Lun. Mart. Iov. Ven. h. X—XI; *Pandectarum alteram partem* tradet quater per hebd. die Lun. Mart. Iov. Ven. h. IV—V.

RICHARDUS SCHROEDER, Dr., *Ius privatum Germaniae* sexies p. hebd. h. X; *Ius mercaturae cum iure cambiiali et maritimo* quinquies per hebd. h. IX tradet; *publice de iure instrumentorum quae vocantur „Inhaberpapier“* h. postea defin. disseret*).

b. Professoris extraordinarii.

CAROL. GUIL. WOLFF, Dr., *Ius privatum germanicum cum iure feudorum* sexies p. hebd. h. VIII—IX docebit.

*) Novo vocato collega cum aliae de iure Romano tum de pandectis indicabuntur lectiones.

III. SCHOLAE ORDINIS MEDICORUM.

a. Professorum ordinariorum.

J. HENLE, Dr., *Anatomiam generalem* diebus Lunae, Mercurii, Veneris h. XI—XII; *Anatomiae systematicae partem alteram, angiologiam et neurologiam*, quotidie h. XII—I tradet.

G. MEISSNER, Dr., *Physiologiae experimentalis partem primam* (quae ad nutritionem corporis spectant functiones) tradet h. X quotidie. *Physiologiam generationis et Embryologiam* die Veneris h. V—VII docebit et demonstrationibus illustrabit. *Exercitationes practicas* in instituto physiologico moderabitur quotidie horis commodis.

HERM. SCHWARTZ, Dr., privatim *Exercitationes obstetricio-gynaecologicas clinicas* moderari perget diebus Lun., Mart., lov. Vener. h. III; publice *pelvis vitia* explicabit hor. defin.

LUDOV. MEYER, Dr., *scholam clinicam psychiatricam* more solito habere perget, dieb. Lun. et lov. hh. III—V; de *psychiatria forensi* disseret hor. duab. commodis.

TH. LEBER, Dr., privatim *Exercitationes ophthalmiatricas clinicas* habebit dieb. Lunae, Martis, lov. Veneris h. XII—I; *Exercitationes in operationibus ophthalmiatricis* dieb. Merc. h. VIII—IX, die Sat. h. VII—VIII, instituet.

GUILELM. EBSTEIN, Dr., privatim *Scholas clinicas et policlinicas medicas* moderari perget quinis diebus h. X¹/₂—XII atque die Saturni h. IX¹/₄—XI³/₄; *Pathologiae et therapiae specialis* partem dimidiam tractabit quinque per hebdomadam h. VII—VIII (excepto die Lunae); — cum DEICHMÜLLER, Dr., de *disquisitione lotii* die Mercurii disputabit h. III—IV.

GUILELMUS MARMÉ, Dr., privatim *Pharmacologiam nec non artem formulas medicas rite concinnandi iunctis exercitationibus practicis* formulas rite conscribendi et dispensandi ter p. h. h. V dieb. Lunae, Martis, Veneris docebit; *Toxicologiae specialis* part. I studiosis medicinae eruditioribus bis p. h. h. II dieb. Lunae et Veneris tradet; *Adulterationes nutrimentorum toxicas* semel p. h. die Lunae h. VI publice exponet; *Exercitationes pharmacognosticas et microscopicas* pharmaciae studiosis eruditioribus die Saturni h. IX—XI et XI—I offert; *Disquisitiones pharmacologicas et toxicologicas* in instituto pharmacologico quotidie moderari perget.

FRANCISCUS KÖNIG, Dr., *Exercitationes practicas in clinico chirurgico* h. IX—X; *Exercitationes in operationibus chirurgicis* hor. definiendis moderabitur. Publice *exercitationes policlinicas* habebit semel p. h.

J. ORTH, Dr., publice de *anatomia pathologica ossium et musculorum* disseret die Merc. h. II—III; privatim *Anatomiae pathologicae partem specialem* docebit dd. Lunae, Martis, Mercurii, lov. Veneris h. XII—I; privatissime *Exercitationes practicas corpora morbosa secandi* horis commodis; privatissime *Exercitationes histolog. patholog. practicas* dd. Mart. et Ven. h. II—IV moderabitur.

C. FLUEGGE, Dr., *Praxin chemicam physiologicam* moderabitur sexies per hebd.; *Exercitationes in colendis schizomycetibus* instituet; *Exercitationes practicas* habebit in laboratorio hygienico quotidie horis definiendis.

b. *Professorum extraordinariorum.*

E. F. G. HERBST, Dr., *Physiologiam generalem et specialem*, experimentis et demonstrationibus microscopicis illustratam sexies per hebd. h. X—XI tradet.

GUIL. KRAUSE, Dr., *Histologiam specialem* tradet diebus Martis et Jovis h. XI—XII privatim; publice *Mechanicen articularum corporis humani* die Jovis h. II vel alia hora commoda; *Exercitationes microscopicas* consueto more continuabit.

C. F. LOHMEYER, Dr., *Chirurgiam specialem* quinquies p. hebd. hora VIII—IX leget.

THEODORUS HUSEMANN, Dr., *Pharmacologiam universam* quinquies per hebdomadem h. III—IV docebit. Publice de *fungis noxiis nec non de illis qui ad vescendum hominibus apti sunt* die Lunae h. IV—V disseret.

J. ROSENBACH, Dr., privatim *chirurgiam generalem* docebit quinquies per hebd.; *exercitationes chirurgicas diagnosticas* bis per hebdom.; *exercitationes chirurgicas policlinicas* semel per hebd. una cum KÖNIG professore.

R. DEUTSCHMANN, Dr., *Exercitationes ophthalmoscopicas* bis per hebd. diebus Mercur. et Saturn. hor. XII—I habebit. *Refractionis et accommodationis anomalias* docebit semel per hebd. die Saturni hor. VIII—IX.

O. DAMSCH, Dr., privatim: *De methodis disquisitionis clinicae physicas*, dieb. Lun., Merc., Jov. h. IV—V; *de morbis infantium* disseret diebus Martis et Veneris h. IV—V; *methodos sanandi physicas*, inprimis ratione electrotherapiae habita, cum exercitationibus practicis in aegrotis instituendis ter per hebd. horis defin. exponet; *exercitationes laryngoscopicas* habebit die Saturni h. XII—I; publice: *Colloquia policlinica* habebit sueto more.

KURD BÜRKNER, Dr., *Doctrinam de morbis aurium* adjunctis exercitationibus practicis tradet bis per hebd. dieb. Martis et Veneris hora II—III; *Exercitationes otiatricas policlinicas* eruditiorum moderabitur bis per hebd. diebus definiendis hora XII—I.

c. *Privatim docentium.*

R. WIESE, Dr., horis postea indicandis quater per hebdomadem tradet *auscultationem et percussione adjunctis exercitationibus practicis*.

P. SCHIEFFERDECKER, Dr., *Osteologiam et Syndesmologiam* docebit dd. Martis, Jovis, Saturni h. XI—XII priv.; *Exercitationes* habebit *microscopicas* in quibus tradet a) *anatomiam generalem* quater per hebd. priv.; b) *anatomiam microscopicam spec.* quater per hebd. priv.

FELIX DROYSEN, Dr., *operationes obstetricias* privatim demonstrabit bis per hebd. h. VIII—IX diebus Mercur. et Saturni; *de morbis mulierum* disseret diebus Lun., Mart., Iov., Vener. h. III—IV.

GUILELMUS MÜLLER, Dr., *de herniis* disseret semel p. hebd. hora defin.

IV. SCHOLAE ORDINIS PHILOSOPHORUM.

a. *Professorum ordinariorum.*

GUILELMUS WEBER, Dr., scholas non habebit.

G. HANSSEN, Dr., *Theoriam rei finanziariae, imprimis vectigalium* (Finanzwissenschaft, insbesondere die Lehre von den Steuern) quat. dd. h. IV—V tractabit.

ERNESTUS LUDOVICUS DE LEUTSCH, Dr., *Catulli carmina selecta* interpretabitur d. Mercurii et Saturni h. XII—I.

ERNESTUS BERTHEAU, Dr., *librum Geneseos* interpretabitur quinis per hebd. scholis h. X—XI; publice *capita chaldaica libri Danielis* explicabit dd. Martis et Veneris h. II—III; *Seminarii theologici exercitationes ad exegesis Vet. Test. pertinentes* moderabitur die Lunae h. VI—VIII.

HENR. FERD. WÜSTENFELD, Dr., *Selecta ex scriptoribus Arabicis capita* interpretabitur privatissime.

FRIDERICUS WIESELER, Dr., publice Seminarii regii archaeologici sodalibus *selecta artium opera* explicanda proponet, d. Saturni h. XII—I; privatim *Archaeologium artium a Graecis et Romanis cultarum* tradet, quaternis scholis, h. XII—I; privatissime *de commentationibus a sodalibus Seminarii archaeol. scriptis* iudicabit.

GUIL. MÜLLER, Dr., *Selecta Veteris Germanorum poeseos specimina* explicabit duce libro a Guil. Wackernagel edito: *Kleineres altheutsches Lesebuch* quaternis scholis h. III; *Societatis theotiscaae studia* moderari perget.

HERMANNUS SAUPPE, Dr., publice sodalium Regii seminarii philologorum disputationes de commentationibus eorum cum U. DE WILAMOWITZ-MOELLENDORFF collega reget, die Mercurii h. XI—XII, et *Lysiae orationem XIII* eis explicandam proponet, dd. Lunae et Iovis, h. XI—XII; *exercitationes* Regii seminarii *paedagogici* moderabitur, dd. Martis et Veneris, h. XI—XII. — Privatim *praecepta artis latine scribendi* additis exercitationibus tradet, dd. Lunae Martis Iovis Veneris h. VII—VIII matutina, *Demosthenis orationem* de corona explicabit eisdem diebus h. IX—X.

FRID. GRIEPENKERL, Dr., quater per hebd. dd. Lun., Mart., Iov. et Ven. h. V—VI *Doctrinam de re pecuaria*; publice bis per hebd. diebus Jov. et Ven. h. XI—XII *Doctrinam de animalium domesticorum varietatibus*; bis per hebd. horis definiendis *agriculturae systemata* tradet. *Excursiones ad theoriam illustrandam spectantes* instituet.

ERNESTUS SCHERING, Dr., *Functiones analyticas* tractabit quater per hebd. dd. Lunae Martis Iovis Veneris h. IV—V; *Theoriam mathematicam gravitatis electricitatis et magnetismi* tradet quater per hebd. dd. Lunae Martis Iovis Veneris h. VI—VII p. m. — In Seminario mathematico-physico *exercitationes mathematicas* die Mercurii hora commoda publice instituet. Privatissime gratis *Observationes magneticas* in Observatorio GAUSSLIANO die Mercurii p. m. atque *reductiones observationum* die Saturni p. m. moderabitur.

PAULUS DE LAGARDE, Dr., privatim ter hora XI syriace docebit; publice bis hora III *Harizii macamas* hebraice ab se editas explicandas proponet.

JULIUS BAUMANN, Dr., privatim *metaphysica cum arte cognoscendi conjuncta* docebit diebus Lunae, Martis, Iovis, Veneris h. IV; *historiam et systema paedagogiae* tradet diebus Lunae, Martis, Iovis, Veneris h. V.

GUSTAVUS DRECHSLER, Dr., privatim docebit *Agriculturam specialem* quater per hebd. h. XII.; *Exercitationes oeconomicas* instituet diebus Vener. et Sat.; *Introductionem in agriculturam* publice tradet hor. def.

GUIL. HENNEBERG, Dr., privatim *Doctrinae de animalium domesticorum nutritione II.* partem tradet dieb. Lunae et Martis h. XI—XII; publice de *pabuli computandi ratione* disseret die Mercurii h. XI—XII.

ERNESTUS EHLERS, Dr., *Zoologiam* quotidie h. VIII—IX docebit; *Exercitationes zootomicas* d. Merc. et Iov. h. XI—I instituet; *Exercitationes zoologicas* in usum provectionum quotidie excl. d. Sat. h. IX—I sueto more moderari perget.

A. WILMANN, Dr., scholas non habebit.

HERMANNUS AMANDUS SCHWARZ, Dr., privatim *calculus differentialis* adiunctis *exercitationibus* docebit quinquies per hebd. hora VIII; de *lineis duplicis curvaturae* et de *superficiebus curvis* disseret, diebus Lunae, Martis, Iovis, Veneris hora XI; *theoriam functionum ellipticarum* exponet, quinquies per hebd., hora IX; in Regio seminario mathematico-physico *exercitationes mathematicas* instituet, die Mercurii hora XII; *colloquia mathematica* sueto more hora commoda privatissime gratis moderari perget.

CAROLUS KLEIN, Dr., privatim *Mineralogiam* tradet quinquies per hebd. h. XI—XII. *Petrographiam* docebit quater per hebd. h. IX—X. *Exercitationes mineralogicas* habebit publice die Sat. h. X—XII. Privatissime sed gratis *Exercitationes crystallographicas* instituet horis definiendis.

C. DILTHEY, Dr., privatim *Sophoclis vitam et artem* adumbrabit et *Oedipum regem* interpretabitur, dieb. Lunae, Martis, Iovis, Mercurii h. XII; publice in Proseminario Regio philologico *Aeschyli Prometheus* sodalibus enarrandum proponet et disputationibus praeerit dieb. Mercurii et Saturni h. XI.

CHR. AUG. VOLQUARSEN, Dr., privatim *res populi Romani inde a Caesaris dominatu gestas* tradet diebus Lunae, Martis, Iovis, Veneris h. VIII—IX; publice *exercitationes historicas* moderabitur die Martis h. VI—VII.

HERMANNUS COMES DE SOLMS-LAUBACH, Dr., privatim *Botanices*

elementa tradet quinquies per hebdomadem h. VII—VIII; publice hora definienda *plantas in horto botanico cultas* demonstrabit; privatissime eruditioribus *exercitationes microscopicas* quotidianas offert.

HERMANNUS WAGNER, Dr., privatim *Geographiam Asiae* docebit quater per hebd. h. XI—XII; privatissime sed gratis *exercitationes geographicas* moderabitur semel p. h. die Sat.

A. DE KOENEN, Dr., *palaeontologiam* quinque horis; *de constitutione geologica Germaniae septentrionalis* semel p. hebd. publice, atque *excursiones geologicas*; *Exercitationes in determinandis fossilibus* quotidie, privatissime et gratis.

G. E. MÜLLER, Dr., *logicam* tradet quater per hebd. hora X—XI; *historiam philosophiae naturalis* publice docebit die Mercurii hora X—XI.

C. VOLLMÖLLER, Dr., privatim *Linguae Francogallorum grammaticae historicae* partem secundam tradet diebus Lunae, Martis, Iovis, Veneris h. XII—I; *Historiam litterarum francogallicarum et provincialium* usque ad saec. XII tractabit d. Merc. h. X—XII. Privatissime sodalibus Seminarii Romanensis Roberti Garnier Bradamanten proponet interpretandam d. Merc. h. XII.

LUDOVICUS WEILAND, Dr., privatim *Historiam pontificum Romanorum usque ad nostra tempora* enarrabit diebus Lunae, Martis, Iovis, Veneris h. IX—X; *Exercitationes historicas* privatissime sed gratis moderabitur die Veneris h. VI.

EDUARDUS RIECKE, Dr., *Physices experimentalis* partem primam, mechanicen, acusticen, opticen docebit diebus Lunae, Martis, Iovis, Veneris h. V—VI. *Introductionem in praxin physicam* in usum pharmaciae studiosorum tradet die Saturni h. XI—I. In seminario mathematico-physico *physices tam experimentalis quam mathematicae* partes tractabit selectas die Lunae h. II—III. In laboratorio physico una cum W. VOIGT collega *exercitationes practicas* instituet sueto more diebus Mart., Iov., Ven. h. II—IV, die Sat. h. IX—I.

F. KIELHORN, Dr., privatim *elementa Linguae Sanscritae* tradet diebus Lun., Merc., Sat. h. X—XI. Publice *selectos Rîgvedae hymnos cum commentario Sâyanâchâryae* interpretabitur diebus Lun., Merc., Sat., h. XI—XII. Privatissime et gratis *inscriptiones Indicas* interpretabitur bis per hebd. horis commodis.

A. KLUCKHOHN, Dr., privatim *Historiam Borussorum* enarrabit diebus Lunae, Martis, Iovis, Veneris h. V—VI; *Historiam generalem commercii* inde ab anno 1492 usque ad nostra tempora docebit diebus Lunae, Martis, Veneris h. IV—V; publice *Exercitationes historicas* moderabitur die Iovis h. VI.

E. STEINDORFF, Dr., privatim *de re diplomatica regum et imperatorum Germaniae* per medii aevi saecula vigente disseret diebus Lunae, Martis, Mercurii et Iovis h. X; privatissime et gratis *exercitationes palaeographicas* instituet die Saturni h. IX—XI.

MAURITIUS HEYNE, Dr., *Historiam litterarum Germanicarum inde a Mart. Opitio usque ad G. E. Lessingium* tradet dieb. Martis, Iovis, Veneris hor. V—VI, privatim; publice: selecta capita *domesticarum antiquitatum Germanicarum* tractabit die Mercur. hor. XII; privatissime et gratis *exercitationes theotiscas* moderari perget semel p. hebd.

V. DE WILAMOWITZ-MOELLENDORFF, Dr., publice in seminario philologico *Horatii epistulam ad Augustum* interpretandam proponet dieb. Martis et Veneris h. XI; privatim *litterarum Graecarum historiam* enarrabit inde ab Alexandri magni morte usque ad principatum Augusti quinquies h. X.

WOLDEMARUS VOIGT, Dr., publice *Capita selecta theoriae Elasticitatis* tractabit in seminario physico-mathematico die Sat. h. X—XI; privatim *Theoriam caloris mechanicam* docebit diebus Martis, Sat., Iov. et Ven. h. VIII—IX; *Hydrodynamicen* tractabit diebus Iov. et Ven. h. X—XI; privatissime *Exercitationes practicas* in Laboratorio physico instituet una cum E. RIECKE diebus Mart., Iov., Ven. h. II—IV.

GUSTAVUS COHN, Dr., *Elementa politicae socialis* (Sozialpolitik) tradet privatim diebus Martis et Veneris h. IV; *doctrinam oeconomiae politicae et administrationis rei publicae* diebus Lunae, Martis, Iovis et Veneris h. V docebit privatim; privatissime et gratis *Exercitationes seminarii politici* moderari perget semel per hebd.

V. MEYER, Dr., privatim h. IX—X sexies p. hebd. *Chemiam* tradet. Privatim h. IX—XII et II—V diebus Lun., Mart., Merc., Iov. et Vener. in laboratorio academico *Prazin chemicam* docebit.

b. Professoris honorarii.

AD. SOETBEER, Dr., privatissime et gratis *Exercitationes camerales* instituet horis definiendis.

c. Professorum extraordinariorum.

CAROLUS BOEDEKER, Dr., *Exercitationes chemicas practicas* (excl. d. Sat.) quotidie moderabitur.

EDUARDUS KRÜGER, Dr., scholas non habebit.

L. DE USLAR, Dr., *Chemiam pharmaceuticam* tradet quater per hebd. h. III—IV; *Chemiam organicam* in usum medicinae studiosorum docebit quater per hebd. h. IX—X.

ALFREDUS ENNEPER, Dr., *Theoriam functionum ellipticarum* tradet quinquies per hebdomadem; *Doctrinam Determinantium* diebus Martis et Iovis h. XII—I exponet.

B. TOLLENS, Dr., diebus Lun., Mart., Mercur. h. X—XI *Agriculturae chemiae quae ad plantarum nutritionem pertinent* docebit; et in laboratorio chemico ad agriculturam destinato una cum adiutore, *Exercitationes practicas* quinquies per hebd. h. VIII—XII et II—IV moderabitur.

CAROLUS GOEDEKE, Dr., *De Schilleri vita et scriptis* publice disseret hora IV—V d. Jovis.

HUBERTUS JACOBUS ESSER, Dr., privatim h. VIII—IX quinquies per hebd. doctrinam *de morbis animalium domesticorum externis*, item *Hippologiam Boologiamque* docebit. *Demonstrationes in nosocomio veterinario* hora commoda habebit.

AUGUSTUS FICK, Dr., privatim *Historiam poeseos epicae apud Graecos* tradet quaternis scholis dieb. Lunae, Martis, Iovis, Veneris h. VIII—IX; publice *de vocalibus et consonis linguae Graecae* disseret dieb. Mercurii et Saturni h. VIII—IX.

D. PEIPERS, Dr., privatim *psychologiam* docebit diebus Lunae, Martis, Iovis, Veneris hora VIII; publice *de Kantii philosophia critica* disseret die Mercurii hora XII.

JULIUS EDUARDUS REHNISCH, Dr., privatim *Historiam philosophiae universam* adumbrabit senis lectionibus h. XII—I.

AUGUSTUS SCHMAROW, Dr., *Universalem artium historiam inde ab initio aevi* tribus per hebdomadem scholis enarrabit, privatim, h. XI dieb. Martis, Iovis, Veneris. Publice *de Architectura ecclesiastica*, praecipue apud Germanos, disseret et exercitationes instituet, binis scholis, die Lunae et Jovis h. VI—VII. Eruditioribus in lingua italica versatis *interpretationes Vasarianas* offert.

ARTURUS NAPIER, Dr., privatim *de Galfredi Chauceri vita operibusque* disseret ejusque fabulas Cantuarienses interpretabitur d. Lun., Mart., Iov., Ven. h. VII—VIII; privatissime *exercitationes seminarii Anglici* moderabitur d. Lunae, Iovis h. VIII—IX.

PAULUS HAUPT, Dr., privatim *Elementa Gees linguae* docebit et Augusti Dillmanni *Chrestomathium Aethiopicam* interpretabitur dd. Lunae et Iovis hora V; publice dd. Lunae et Iovis hora VI *Grammaticam Assyriacam* tradet et *inscriptiones cuneatas intellectu faciles* explicabit; privatissime sed gratis d. Veneris hora V *Exercitationes Assyriologicas* instituet.

CAROLUS POLSTORFF, Dr., *Chemiae pharmaceuticae partem anorganicam* quater per hebdomadem diebus Lunae, Martis, Iovis et Veneris h. V—VI docet; *Nutrimenta depravata* quomodo cognoscantur bis per hebdomadem diebus Martis et Veneris h. VIII—IX exponet.

PAULUS FALKENBERG, Dr., privatim *plantarum definiendarum artem* Mart. et Veneris dieb. h. VI—VII tradet; publice *Societatis botanicae* exercitationes moderabitur die Iovis h. VI.

OTTO GILBERT, Dr., *de antiquis Graeciae regionibus gentibus monumentis* disseret bis hora VII, semel hora XII.

FRIDERICUS BECHTEL, Dr. phil., publice *Prolegomena ad grammaticam linguarum indogermanicarum quae vocantur* binis horis tradet, privatim *Monumenta epigraphica quibus Oscanum et Umbrorum dialecti cognoscuntur*, binis horis illustrabit.

GOTTFRIEDUS BERTHOLD, Dr., *Physiologiam plantarum experimentalem* privatim tradet ter per hebdom. dieb. Mart., Iov., Vener. hora IV—V. *Exercitationes microscopicas* die Saturn. hora XI—I instituet nec non *exercitationes physiologicas* quotidie moderabitur. *Plantarum cryptogamarum definiendarum artem* publice horis duabus definiendis tradet.

GUSTAVUS SCHWEPPE, rei equestris magister, *Artem equitandi* docebit dd. Lunae, Martis, Iovis, Veneris, Saturni h. matutinis VII—XI et horis pomeridianis excepto d. Saturni IV—V.

EDUARDUS HILLE, Mus. Dir. Acad., *Harmonicen et theoriam artis musicae* horis auditoris commodis docebit. Praeterea ad Societates, quae *Singakademic* et *Orchesterspiel-Verein* vocantur, invitat.

OTTO PETERS *artem delineandi* die Saturni h. II—IV publice, *pingendi* horis commodis privatim docebit.

LUDOV. KÖEUNE, Lector linguae Francogallicae, privatim *Historiam litterarum franco-gallicarum* saec. XVIII tractabit dieb. Mart. et Ven. h. VIII. Privatim *triginta annorum bellum expressum* explicabit dieb. Lun. et Merc. h. VIII. Privatim *Artem gallice scribendi* tradet *exercitationesque* instituet dieb. Lun. et Ven. h. IX.

d. *Privatim docentium.*

THEOD. WÜSTENFELD, Dr., scholas non indicavit.

M. FESCA, Dr., scholas non habebit.

UDO EGGERT, Dr., *Oeconomiae publicae partem theoreticam* tradet quater per hebd. h. III—IV.

AUGUSTUS SARTORIUS DE WALTERSHAUSEN, Dr., *Theoriam rei finanziariae* quater per hebd. hora IV—V; *de republica* quater per hebd. hora XII—I tractabit.

HUGO ANDRESEN, Dr., privatim *monumenta linguae provincialis* interpretabitur, duce usus Bartschii chrestomathia, diebus Martis, Mercurii et Veneris h. VIII—IX; in Seminario philologiae romanensis *veterem sermonum Sancti Bernardi translationem francogallicam* interpretandam proponet die Lunae h. VI—VIII.

CAROLUS BUCHKA, Dr., *Analysin chemicam* binis diebus h. VIII—IX docebit.

J. BROCK, Dr., scholas non indicavit.

O. HAMANN, Dr., privatim *exercitationes microscopicas* habebit diebus Lun. et Mart. hor. IV—VI; privatim *de animalibus protozois* die Iovis h. IV—V; publice *de historia stratorum germinativorum* disseret die Veneris h. V—VI.

EDUARDUS SCHRÖDER, Dr., privatim: *Linguae germanicae veteris grammaticam* regionum habita ratione docebit ter per hebd. diebus Martis, Iovis et Veneris horis postea definiendis; gratis: *Exercitationes theotiscas* offert.

HUGO MEYER, Dr., *Geographiam mathematicam* binis diebus privatim tractabit.

RUDOLFUS LEUCKART, Dr., privatim *chemiae benzolideorum partem II* tradet binis diebus; privatissime *repetitorium chemicum* ternis horis instituet.

P. JANNASCH, Dr., *metallorum rariorum naturam chemicam* ter per hebd. h. IX—X docebit.

JOANNES DE KAP-HERR, Dr., gratis *exercitationes historicas* moderabitur binis horis.

OTTO HOELDER, Dr., *Aequationes differentialium ab una variabili pendentium* dd. Lunae, Martis et Veneris h. XII—I privatim tractabit; gratis *serierum infinitarum theoriā* semel per hebd. hora commoda docebit.

ARTHURIUS SCHOENFLIES, Dr., privatim *introductionem in theoriā generalem curvarum algebraicarum* dd. Lun., Mart., Iov. h. X offert. Gratis *superficies curvas secundi ordinis analytice* tractabit die Merc. h. X.

E. KERN, Dr., *de pabulorum singularibus viribus praedictorum et stercoreum facticiorum natura et compositione* disseret h. def.

TH. PFEIFFER, Dr., *analysin volumetricam* hora commoda gratis docebit; *adjectis exercitationibus*, quas h. VIII—XII die Saturni privatim instituet.

ARTHURUS MEYER, Dr., *Chemiae plantarum capita selecta* tradet semel per hebd. h. XII—I.

V. ARTIUM EXERCITATIONES.

Musica, artem delineandi, linguas et litteras cultissimorum Europae populorum etiam alii homines eruditi et periti tradent, scholarum illi suarum rationes et tempora loco consueto indicaturi. Saltandi et armorum tractandorum artes magistri stipendiis regiis auctorati docebunt.

SCHOLAE EX ORDINE HORARUM DISCRIPTAE.

Hora.	O. THEOLOGORUM.	O. IURIS CONSULT.	O. MEDICORUM.	O. PHILOSOPHORUM.
7-8	Hist. dogm. (5) <i>Wagenmann.</i>	Libr. fund. (1) <i>Ziebarth.</i> Ius publ. Germ. (5) <i>Frensdorff.</i>	Exerc. oper. ophth. (1) <i>Leber.</i> Pathol. et therap. (5) <i>Ebstein.</i>	Praec. lat. scrib. (4) <i>Sauppe.</i> Botan. (5) <i>Comes de Solms-Laubach.</i> Chaucer (4) <i>Napier.</i> Graec. region. (2) <i>Gilbert.</i>
8-9	Hist. eccles. saec. XIX (1) <i>Wagenmann.</i> Hist. eccles. saec. I-VI (6) <i>Reuter.</i> Vitae patr. eccles. <i>Bornemann.</i>	Libr. fund. (1) <i>Ziebarth.</i> Hist. iur. Germ. (5) <i>Frensdorff.</i> Proc. crim. (4) <i>John.</i> Ius priv. Germ. (6) <i>Wolff.</i>	Exerc. gynaeolog. (4) <i>Schwarz.</i> Exercit. oper. ophthalm. (1) <i>Leber.</i> Chirurg. (5) <i>Lohmeyer.</i> Refract. et accomod. (1) <i>Deutschmann.</i> Oper. obstetr. (2) <i>Droysen.</i>	Zoolog. (6) <i>Ehlers.</i> Calc. different. (5) <i>Schwarz.</i> Res pop. Romani (4) <i>Voigt.</i> Morb. Theor. caloris (4) <i>Esner.</i> Hist. poes. ep. Graec. (4) <i>Fick.</i> Voc. et cons. Graec. (2) <i>Fick.</i> Psycholog. (4) <i>Peipers.</i> Semin. Angl. (2) <i>Napier.</i> Nutrim. depravat (2) <i>Polstorff.</i> Ling. provinc. (3) <i>Andressen.</i> Analys. chem. (2) <i>Buchka.</i>
9-10	Pauli ep. (5) <i>Wiesinger.</i> Sem. hom. lit. (1) <i>Knoke.</i> Paul. ad Rom. (5) <i>Länemann.</i> Act. apost. (3) <i>Bornemann.</i>	Proc. civ. (6) <i>John.</i> Instit. iur. Rom. (5) <i>Regelsberger.</i> Ius mer- cat. (5) <i>Schroeder.</i>	Schol. clin. et policlin. (1) <i>Ebstein.</i> Exerc. pharmacogn. (1) <i>Marmé.</i> Exerc. chirurg. <i>König.</i>	Demosth. de cor. (4) <i>Sauppe.</i> Exerc. zool. (5) <i>Ehlers.</i> Theor. funct. ellipt. (5) <i>Schwarz.</i> Petrograph. (4) <i>Klein.</i> Hist. pontif. (4) <i>Weiland.</i> Sem. phys.-mathem. (1) <i>Riecke et Voigt.</i> Exerc. palaeogr. (1) <i>Steindorff.</i> Chem. (6) <i>V. Meyer.</i> Chem. organ. (4) <i>de Uslar.</i> Metall. nat. chem. (3) <i>Jannasch.</i>
10-11	Relig. Christ. (5) <i>Schultz.</i> Sem. hom. lit. (1) <i>Knoke.</i> Isaia. (5) <i>Duhm.</i>	Ius eccles. (5) <i>Mejer.</i> Instit. iur. Rom. (1) <i>Regelsberger.</i> Hist. iur. Rom. (4) <i>Regelsberger.</i> Ius priv. Germ. (6) <i>Schroeder.</i>	Physiol. experim. (6) <i>Meissner.</i> Schol. clin. et policlin. (6) <i>Ebstein.</i> Exerc. pharmacogn. (1) <i>Marmé.</i> Physiolog. (6) <i>Herbst.</i>	Genes. (5) <i>Bertheau.</i> Exerc. zool. (5) <i>Ehlers.</i> Exerc. min. (1) <i>Klein.</i> Logic. (4) <i>E. Mueller.</i> Hist. phil. nat. (1) <i>E. Mueller.</i> Hist. litt. Franc. (1) <i>Vollmüller.</i> Sem. phys.-math. (1) <i>Riecke et Voigt.</i> Sanscrit. (3) <i>Kielhorn.</i> Diplom. (4) <i>Steindorff.</i> Exerc. palaeogr. (1) <i>Steindorff.</i> Hist. litt. Graec. (5) <i>de Wilamowitz.</i> Sem. phys. math. (1) <i>Voigt.</i> Hydro- dynam. (2) <i>Voigt.</i> Prax. chem. (5) <i>V. Meyer.</i> Agric. chem. (3) <i>Tollens.</i> Theor. curv. algebr. (3) <i>Schönflies.</i> Superf. curv. (1) <i>Schönflies.</i>
11-12	Theol. pract. (5) <i>Wiesinger.</i> Epist. cathol. (5) <i>Rischl.</i> Hist. dogm. med. aev. (2) <i>Reuter.</i> Sem. hom. lit. (1) <i>Knoke.</i>	Capp. iur. civ. Bor. (2) <i>Ziebarth.</i> Doctr. heredit. (1) <i>Ziebarth.</i> Encycl. iur. (3) <i>John.</i> Ius crim. (4) <i>de Bar.</i>	Anatom. gen. (3) <i>Henle.</i> Schol. clin. et policlin. (5) <i>Ebstein.</i> Exerc. pharmacogn. (1) <i>Marmé.</i> Histolog. (2) <i>Kraus.</i> Osteol. et Syndesmol. (1) <i>Schlieferdecker.</i>	Sem. phil. (5) <i>Sauppe et de Wilamowitz.</i> Sem. paedag. (2) <i>Sauppe.</i> Anim. domest. var. (2) <i>Griepengerl.</i> Syriace (3) <i>de Lagarde.</i> Anim. dom. nutrit. (2) <i>Henneberg.</i> Fabul. rat. (1) <i>Henneberg.</i> Exerc. zootom. (2) <i>Ehlers.</i> Exerc. zool. (5) <i>Ehlers.</i> Lin. dupl. curvat. etc. (4) <i>Schwarz.</i> Mineral. (5) <i>Klein.</i> Exerc. min. (1) <i>Klein.</i> Prosem. philolog. (2) <i>Dilthey.</i> Geogr. Asiae (4) <i>Wagner.</i> Hist. litt. francog. (1) <i>Vollmüller.</i> Introd. prax. phys. (1) <i>Riecke.</i> Sem. phys.-math. (1) <i>Riecke et Voigt.</i> Rigved. (3) <i>Kielhorn.</i> Prax. chem. (5) <i>V. Meyer.</i> Hist. art. (3) <i>Schmarsow.</i> Exerc. microsc. (1) <i>Berthold.</i>
12-1	Theol. dogm. (5) <i>Ritschl.</i> Theol. V. T. (5) <i>Schultz.</i>	Exerc. pract. (3) <i>de Jhering.</i>	Anatom. syst. (6) <i>Henle.</i> Exerc. ophthalm. (4) <i>Leber.</i> Exerc. pharmacogn. (1) <i>Marmé.</i> Anatom. (5) <i>Ehlers.</i> pathol. (5) <i>Orth.</i> Exercit. ophthalm. (2) <i>Deutschmann.</i> Exerc. laryn- goscop. (1) <i>Damsch.</i> Exerc. otiatr. (2) <i>Bürkner.</i>	Catull (2) <i>de Leutsch.</i> Archaeol. (4) <i>Wieseler.</i> Sol. art. op. (1) <i>Wieseler.</i> Agric. special. (4) <i>Drechsler.</i> Exerc. zootom. (2) <i>Ehlers.</i> Exercit. zoologic. (5) <i>Ehlers.</i> Sem. mathem. (1) <i>Schwarz.</i> Sophocl. Oed. R. (4) <i>Dilthey.</i> Gramm. Francogall. (4) <i>Vollmüller.</i> Hist. litt. Francog. (1) <i>Vollmüller.</i> Sem. Rom. (1) <i>Vollmüller.</i> Intr. prax. phys. (1) <i>Riecke.</i> Sem. phys.-math. (1) <i>Riecke et Voigt.</i> Antiq. dom. Germ. (1) <i>Heyne.</i> Doctr. determ. (2) <i>Enneper.</i> Kantii philos. (1) <i>Peipers.</i> Histor. philosoph. (6) <i>Rehnisch.</i> Graec. region. (1) <i>Gilbert.</i> Exerc. microsc. (1) <i>Berthold.</i> De rep. (4) <i>Sartorius de Waltershausen.</i> Aequat. different. (3) <i>Höllder.</i>

Hora.	O. THEOLOGORUM.	O. IURIS CONSULT.	O. MEDICORUM.	O. PHILOSOPHORUM.
2-3	Sem. catech. (1) <i>Wiesinger</i> . Sem. catech. (1) <i>Knoke</i> .		Toxicol. (2) <i>Marmé</i> . Anatom. pathol. oss. et musc. (1) <i>Orth</i> . Exerc. hist. path. (2) <i>Orth</i> . Mech. articul. (1) <i>Krause</i> . Aur. morb. (2) <i>Bürkner</i> .	Daniel (2) <i>Bertheau</i> . Sem. math.-phys. (1) <i>Riecke</i> , (3) <i>Riecke et Voigt</i> . Prax. chem. (5) <i>V. Meyer</i> .
3-4	Encycl. stud. theol. (4) <i>Knoke</i> .		Exerc. obstetr. (4) <i>Schwartz</i> . Clinic. psychiatric. (2) <i>Meyer</i> . Disquisit. lotii (1) <i>Ebstein et Deichmüller</i> . Exerc. hist. path. (2) <i>Orth</i> . Pharmacol. (5) <i>Husemann</i> Morb. mul. (1) <i>Droysen</i> .	Germ. poes. spec. (4) <i>W. Müller</i> . Hariz. macam. (2) <i>de Lagarde</i> . Sem. math-phys. (3) <i>Riecke et Voigt</i> . Prax. chem. (5) <i>V. Meyer</i> . Prax. chem. (4) <i>de Uslar</i> . Oecon. publ. (4) <i>Eggert</i> .
4-5	Histor. aevi N. T. (4) <i>Knoke</i> . Hist. pop. Israel. (3) <i>Duhm</i> . Pauli eschatol. (1) <i>Duhm</i> .	Exerc. iur. crim. (1) <i>Ziebarth</i> . Exerc. proc. civ. (1) <i>de Bar</i> . Pandect. (4) <i>Regelsberger</i> .	Cl. psychiatr. (2) <i>Meyer</i> . Pharmacolog. (3) <i>Marmé</i> . Fung. (1) <i>Husemann</i> . Disquisit. clin. (3) <i>Damsch</i> . Morb. infant. (2) <i>Damsch</i> .	Theor. financ. (4) <i>Hanssen</i> . Funct. analyt. (4) <i>Schering</i> . Metaphys. (4) <i>Baumann</i> . Histor. commerc. (3) <i>Kluckhohn</i> . Polit. social. (2) <i>Cohn</i> . Prax. chem. (5) <i>V. Meyer</i> . Vit. Schilleri (1) <i>Goedeke</i> . Res financ. (4) <i>Sartorius de Waltershausen</i> . Physiol. plant. (4) <i>Berthold</i> . Exerc. microsc. (2) <i>Hamann</i> . Protozo. (4) <i>Hamann</i> .
5-6		Exerc. iur. crim. (1) <i>Ziebarth</i> . Exerc. proc. civ. (1) <i>de Bar</i> .	Physiol. generationis (1) <i>Meissner</i> .	Doctr. rei pecuar. (4) <i>Griepenkerl</i> . Paedagog. (4) <i>Baumann</i> . Phys. exper. (4) <i>Riecke</i> . Hist. Boruss. (4) <i>Kluckhohn</i> . Histor. litt. Germ. (3) <i>Heyne</i> . Oecon. polit. (4) <i>Cohn</i> . Geez ling. (2) <i>Haupt</i> . Exercit. Assyriol. (1) <i>Haupt</i> . Chem. pharmac. (4) <i>Polstorff</i> . Exerc. microsc. (2) <i>Hamann</i> . Hist. strat. germ. (1) <i>Hamann</i> .
6-7	Sem. exeg. (1) <i>Wiesinger</i> . Sem. system. (1) <i>Ritschl</i> .	Exerc. iur. can. (1) <i>Dove</i> .	Physiolog. generat. (1) <i>Meissner</i> . Adult. nutrim. (1) <i>Marmé</i> .	Sem. theol. (1) <i>Bertheau</i> . Theor. math. grav. etc. (4) <i>Schering</i> . Exerc. hist. (1) <i>Volquardsen</i> . Exerc. hist. (1) <i>Wieland</i> . Exerc. hist. (1) <i>Kluckhohn</i> . Architect. eccl. (1) <i>Schmarsow</i> . Grammat. Assy. (2) <i>Haupt</i> . Plant. defin. (2) <i>Falkenberg</i> . Societ. botan. (1) <i>Falkenberg</i> . Sem. Rom. (1) <i>Andresen</i> .
7-8	Sem. exeg. (1) <i>Wiesinger</i> .	Exerc. iur. can. (1) <i>Dove</i> .		Sem. theol. (1) <i>Bertheau</i> . Exerc. hist. (1) <i>Volquardsen</i> . Sem. Roman. (1) <i>Andresen</i> .

Scholae, quarum horae non indicatae erant, in hoc conspectu commemorari non potuerunt.

[illegible]

STANFORD UNIVERSITY LIBRARIE
STANFORD, CALIFORNIA 94305-600

